

禹縣縣志

侯巖彝題

巖彝

禹縣志卷十三

陵墓志

禹故多陵墓蓋潁川具茨名山大水其羣峯所結支流所注多與地師言合故名賢多埋骨於此蓋生王之頭不如死士之壘其人已死其德不朽況形魄所歸卽精神如在所以使過者登臨憑弔徘徊流連不忍去者也茲因舊志益爲博考並載其誌狀故實以發潛德之幽光

周韓哀侯墓

乾隆邵志云在城西南四十五里文風里九甲相傳韓哀侯葬於此今其墓尙在

聶政墓

乾隆邵志云在西關外土人壯政之死築土封之後人於上築玄帝廟汪价中州雜俎云禹州西郊有聶政兄姊墓濟源亦有之政既死韓姊亦刃於其傍則屍當瘞此彼時誰收葬故鄉乃得在軹深井里乎沈繹堂憲副為表面封之載諸志乘俾節烈藉以不朽厥功甚偉余弔政墓詩云古來烈士即忠臣仇殺乾坤一劍新不是聶婆能從死誰知軹里有奇人嗣後弔聶詩甚多不備載

聶嫫墓

乾隆邵志云即聶政姊也哭政以成其名因自死政旁

其墓在政墓北數步

韓張平墓

在三峯山陰太平庵東

文風里二甲

乾隆邵志謂即留侯良

父平之墓未知所考後人為立碣其上

秦呂不韋墓

魏書地形志曰陽翟有呂不韋墓今無考或云在縣西

三十里

鎮峯里三甲

漢婁敬墓

縣西北五十里婁敬山前民國五年墓陷北壁畫色如新外樹石蓋篆婁字大盈尺山既以婁敬名此當是婁

敬墓也

圖書集成婁敬墓在杞縣東北三十里

右將軍墓

在禁溝東前知州宮國勲立碣墓上

黃香墓

乾隆邵志云州東北三十五里孝山北麓

鎮定里九甲黃臺寨南

按香江夏安陸人墓不應在此今考後漢書黃瓊傳瓊曾封邠鄉侯許慎說文以邠為潁川縣瓊為香子或就養其子所封故附近卜葬於此乎道光朱志謂漢地理志潁川無邠李賢以為即周承休侯國於元始二年更邠則當在今之汝州也

東海王墓

乾隆邵志云在琅城岡之原

鎮定里

相傳光武太子改封

東海王葬此

司馬徽墓

在背陰寺南

潁川里六甲

古塚巍然

晉褚元穆公祖墓

乾隆邵志云在治東北二十五里元穆村西南有土塚大十餘步石翁仲二因名石人岡今塚夷矣亦無翁仲惟華表尙存其一

南北朝七娘塚

乾隆邵志云在治東北黃臺南七里鎮定里相傳南北朝七娘子以父戰歿復讐而死世主哀之爲置七塚焉今塚存其五其西北有廟七像各執刀劍若赴敵然按水經注潁水下皇陂水出西北皇臺七女岡是七女之名北魏已有邵志恐未確也

唐褚中令遂良墓

新唐書本傳曰遂良以諫立武氏貶愛州刺史卒後用高駢議歸葬陽翟乾隆邵志云今失所在按遂良墓舊有在偃師之說錢泳履園叢話辨之曰唐褚中令墓據河南府志在偃師者誤也按新唐書本傳遂良貶死愛

州卽窆於彼二男彥甫彥冲一孫俱祔咸通九年詔訪其喪歸葬陽翟唐人有詩紀其事安有葬在偃師之說且宰相世系表云褚氏出自漢褚少孫後裔孫重始居陽翟又褚亮傳云亮父玠玠祖澹皆錢塘人是其先並無居緱氏之說且史載遂良自愛州貶所歸葬陽翟亦應在今禹州不得云在偃師也乾隆戊申正月余在開封偶閱河南府志與洪稚存論及此故記之

盧照鄰墓

新唐書本傳曰乃去具茨山下買園數十畝環潁水周舍復豫爲墓偃卧其中乾隆邵志云在具茨山下今按

在縣北四十里土門溝

莫君墓

縣西北五十里莫莊鎮近日志石出土

其文曰君諱高

川陽翟人也周大夫莫弘之後曾祖諱則隋康城縣主簿祖諱感唐飛尉君降志星辰英才迴秀珪璋特達文藻絕倫慕七賢之隱居樂陶潛之五柳雍容贊籍放曠詩書鄉邑優游情思莊惠春秋五十有九口永淳二年寢疾終於私第送終之禮特異於常鄉黨傳芳英聲遠著至大曆開元三年十二月二十八日及夫人劉氏合葬於莫村東二里其地也東賒茨陵西望嵩巖前眺潁川北依歸阜於是鄉閭嗟歎行路哀傷口梁鴻之殊異卜萊妻之為偶口口遊巖志同會閔孝比王祥父歿多年慈親尋覓念以送終遷奉宅兆口口恐陵谷變遷桑田作海故立斯文乃為銘曰天道地轉人非永壽變化無恆非無非有一歸泉戶荒田長守生死不停幸能長久海竭生桑河移變柳刊茲立石方傳不朽

故朝議郎江陵府石首縣令上柱國賜緋魚袋劉府君

墓

縣西南角子山陽

義讓里八甲

朝議郎行尚書吏部員外郎

賜緋魚袋常仲儒撰墓志

其文曰公諱浼字彭城人也襲慶長遠篤生純懿承積世

之休祐當累業之茂祉垂耀於厥後洎公而章明弱冠通經登第授右衛率府兵曹參軍轉左金吾衛倉曹參軍改大理寺主簿遷司直詳端疑讞時謂得人淮南節度使慎選賓寮表為從事府罷遷秘書郎校理石渠名參金馬無何掾於江陵又改為石首縣令凡所蒞政未嘗不流休聲樹茂績議者以公才大秩散未施其用公謙光不伐處之泰然宜其荷天之休福履是祐何不遐厥壽奄奪人望於貞元十五年七月廿三日寢疾終於江陵府私第享年七十有三會祖元暉正議大夫石州刺史祖泰太子家令父翼銀青光祿大夫穎王傅官冕蟬聯焜耀史謀剖符有庇庶民之德傳導有翊善之思故高其閭閻厚其庇蔭清德素節貽其子孫業慶鍾美旌

於後葉夫人榮陽鄭氏皇鄧州長史仙莊之女婦德母
儀古今難正遺芳餘範遐邇罕傳何積善之無徵而降
年之不朽嗚呼哀哉以元和三年七月廿日終於陽翟
縣具茨坊私第春秋六十有二卽以其年十一月十八
日合葬於三封鄉角子山之原舊塋禮也長子倚前陳
州西華縣主簿次子公輔前復州錄事參軍次子公佐
次子公素紹復前列鄉舉明經成登仁第幼子公易復
以明經策名皆以醇行至性里巷歸仁鳴呼有後哉有
女六人皆稟訓闈門光於內則抱已出適歸於他門長
女適濟南林肱次適蘭陵蕭廣裔次適長樂賈竦次適
范陽張濯次適西李公信次適河南衛益並卿才盛
族榮耀當時真士君子倚等食無鹽酪居無剪竿豐約
中禮稱家之有無經之營之以備窳窳之事仲儒以先
世友朋紀述以虞陵谷禮也銘曰
惟漢洪口口時盛門簪裾袋襲禮義珍敦枝繁葉茂玉
閨蘭芬克生石州剖符之尊家合墓承潛感不墜載德
丕曜王傅之貴慶澤下鍾喆人繼軌石首之政邑人稱
賢如何彼著不遐厥年哀孤嗣遠奉帷裳卽安厚夜
返葬舊鄉松風蕭蕭原野茫茫黃壤埋
口但其心傷元和三年十一月十八日

平遙縣尉徐偉墓

縣西二十里龍池鎮近日志石出土趙崇撰吳興施行

儉書其文曰嗚呼積仁重休流慶來襲上得以照顯先

也英胄間出簪組遞盛至皇朝卽右常侍贈禮部尚書

諱筠尚書生昇州江寧縣令諱皎江寧生杭州臨安縣

令諱謐臨安生府君諱偉官至汾州平遙縣尉天寶之

亂中原宿兵口州符離干戈散地府君之季弟曰伋實

尉是邑專掌灘陽之郵次公在治所遇疾告終艱虞之

時所在阻絕未克歸葬乃權卜安於蘭陵蕭氏雙流

綿久牒譜遺逸遂亡終歿之年夫於鄂州鳳山監之官
縣尉謙之女貞元十五年八月終於鄂州鳳山監之官
舍明年秋權窆於潤州丹徒縣石門山嗣子擊官至濤
州盛唐縣令嗣孫書終壽州文縣曾孫邢守道不味蒸
五年十一月八日遷神於河南府陽翟縣龍懷里嵩山
之原以蕭夫人耐葬從周之文永卽安兆鳴呼哀哉邦
趙氏錫於崇爲外族弟口口圖譜得承門風粗述不

馬縣志卷十三陵墓志六

休系為銘曰

噫平遙之謝世當胡羯之稱兵卜濰陽以寄神允務安於且寧改轆轤以徂北越幾干之道程合嘉耦以耐藏叶從周之令名道不孤於平昔魂何魂於宵冥

後漢高祖睿陵

乾隆邵志云州西北五十里按今在鈞陽里柏嘴山下

基址巋然翁仲石獸俱列如故五代史漢本紀注在河南告成縣按告成縣廢

分併登封及禹圖書集成陵寢部引文獻通考睿陵在洛京都城縣又引河南通志漢高陵在河南登封縣東

南測景臺左又在開封府禹州西南柳里而以爲據五代史及通考當以通志前條爲正云在禹州者誤大非

蓋未知告成分併於禹睿陵實在禹境也

高后陵

高祖后李氏在縣北三十里麻地川翁仲尙存

隱帝穎陵

道光朱志云五代史周廣順元年葬帝於許州陽翟縣

號穎陵在玉橋東按在今治西北五十里鈞陽里七甲花石鎮北五里去睿陵不遠圖書集

成引許州志云在州東三十里潘張鎮誤許志蓋因五代史有許州二字而附會之也

宋翰林學士楊億墓

乾隆邵志云具茨山下大驪鄉永安里按邵志稱永安里併今鎮定里

鎮定在治東北去具茨山尚遠未知其墓所在也

員外郎楊侏墓

乾隆邵志云大儒鄉仰高村之原卽億弟按邵志大儒里仰高村卽

今文風里四甲東高村衛尉寺中尙有楊侏墓表詳金石志

贈兵部尙書文忠公蔡齊墓

乾隆邵志云在州西南宋保寧里禹山之西按在今義讓里八甲

寺歐陽修撰行狀范仲淹撰志銘其文曰寶元二年歲次已卯四月前參知

政事戶部侍郎蔡公薨天子悼之卿大夫憂之國人傷

之上命三公舉行典禮贈兵部尙書謚曰文忠以康定

二年歲次辛巳十一月某日葬於許州陽翟之某山公

諱齊字子思其先周之子孫累封於蔡因以著姓秦漢

以降代生偉人會祖縮贈太保洛陽人也嘗宰萊之膠

水居官九年民愛以深遂家焉祖諱鄰贈太傅隱居邱

園以墳索為樂考諱夢臣累贈中書令博通經史善詩

筆與宗族居鄉黨稱其孝友娶楚國太夫人張氏而生

公教之親仁賓來如歸公幼而神秀眉目廣聳見者異

之嘗依外舅劉氏學于彭城今相國隴西公廸時為監

郡得公詩歎曰渠有大志宜善視之大中祥符八年春

真宗皇帝臨軒以文考天下之士公中第一及引對文

陛堂堂英偉進退有法上大悅願謂寇萊公曰有人矣

特下詔俾金吾給七人清道自公始也釋褐除將作監

丞通守充海郡移北海郡召還以大著直集賢院主

判三司開折司賜服五品今上即位拜右司諫同修起

居注改禮部員外郎兼侍御史賜金紫歷戶部度支二

副使遷起居舍人知制誥同知審官院既而召入翰林

為學士兼侍讀學士轉禮部郎中龍圖閣學士守西京

以便親求為高密郡徙南京入除右諫議大夫權御史

中丞尋改給事中復充龍圖閣學士權三司使拜樞密

請復其人明肅太后時用中貴人董修景德寺時公在翰
取於人明肅太后時用中貴人董修景德寺時公在翰
林詔為之記中火求公善辭許以不次公遲之不進故
被誣而人出至高密會歲亂不請獨諸州稅又請放海利
以救東人子今賴之公兩居憲臺方嚴不勸百辟畏其
風權威有過則舉劾不隱未嘗求其不也明肅之終莊
前復立問門促百僚賀公毅然正色曰盡吏不得道班
院海執政送龍自是莊惠損抑禮數公有力焉在樞密
如還之恐生邊患公曰當內之荆湘間活以歸議者謂不
求生而委之兇虎蠻亦不能得後果為亂捕之歲餘
從而戮之酷尤甚焉爭之不能得後果為亂捕之歲餘
宜桂以西皆警朝廷患之公猶有愧色在政府浩然示
至公於中外以進賢為樂以天下為憂見佞色則嫉聞
善言必謝孜孜論道以致君堯舜為心與大臣居和而
不倚正而不許無親疏之間有方大之量朝廷為之重
刑賞為之不及其出也未踰歲時而天子思之公遽不
起嗚呼公之生也天有意也公之亡也天子思之公遽不
位而壽則道德功名非竹帛之可勝矣銘曰
泰山之東齊魯同風厥生我公我公堂堂觀國之光享

於真皇真皇上仙隕血漣漣欲報昊天今上聖神廼眷
正人參于國鈞純德坦坦平心浩浩進退惟道恕以待
物誠以報國仁人之德天平乎豈不有心奪此令人
我懷憂深箕山峩峩潁水悠悠山為陂兮川為邱公之
名兮與張方平撰神道碑銘屹立文長不載詳金石志
日月流張方平撰神道碑銘屹立文長不載詳金石志
清通志以為佚者誤也明知州劉魁封之為置守墓二
人後廢乾隆十二年吏目李成蛟重封高數尺今夷惟
劉魁詩刻偃卧田隴中

觀文殿大學士元獻公晏殊墓

乾隆邵志云在州東南二十里按在今潁川里九甲歐

陽修撰神道碑其文曰至和元年六月勸文殿大學士

於京師八月疾少間入見天子曰噫予舊學之臣也

晉侍講通英閣詔五日一朝前殿明年正月疾作不能

朝勅大醫朝夕往視有司除道將幸其家公歎曰吾無狀乃以疾病憂吾君即馳奏曰臣疾少間行愈矣乃止其月丁亥以公薨聞天子震悼亟臨其喪以不即見公為恨贈司空兼侍中謚曰元獻有司請輟視朝一日詔特輟二日以其年三月癸酉葬公於許州陽翟縣麥秀鄉之北原既葬賜其墓隧之碑首曰舊學之碑既又勅史臣修考次公事具書碑下臣修按公諱殊字同叔姓晏氏其世次顯晦遷徙不常自其高祖諱墉唐咸通中舉進士卒官江西始著籍於高安其後三世不顯曾祖諱延昌又徙臨川祖諱郇追封英國公考諱固追封秦國公自曾祖以下皆用公貴累贈開府儀同三司太師中書令兼尚書令曾祖妣張氏陳國太夫人祖妣傅氏許國太夫人妣吳氏唐國太夫人公生七歲知學問為文章鄉里號為神童故丞相張文節公安撫江西得公以聞真宗召見既賜出身後二日又召試詩賦論公徐啟曰臣嘗私習此賦不敢隱真宗益嗟異之因試以他題以為秘書省正字置之秘閣使得悉讀秘書命故僕射陳文僖公視其學明年獻其所為文名試中書選太常寺奉禮郎封泰山推恩遷光祿寺丞數月充集賢校理明年遷著作佐郎丁父憂去官已而真宗思之即

其家起復命淮南發運使送其母至京師從祀太清宮賜緋衣銀魚同判太常禮院又丁母憂求去官服喪不許今天子始封昇王公以選為府記室參軍再遷左正言今天子為皇太子以戶部員外郎充太子舍人賜金紫知制誥判理賢院遷翰林學士充景靈宮判官太子左庶子兼判太常寺加禮儀院公既以道德文章左右東宮真宗有所諮訪多以方寸小紙細書問之由是參與機密有所對必以其藁進示不洩其後悉閣真宗閣中遺書得公所進藁類為八十卷藏之禁中人莫之見也初真宗遺詔章獻明肅太后權聽軍國事宰相丁謂樞密使曹利用各欲獨見奏事無敢決其議者公建言羣臣奏事太后著垂簾聽之皆毋得見議遂定乾興元年拜右參議大夫兼侍讀學士遷給事中景靈宮副使判吏部流內銓以易侍講崇政殿遷禮部侍郎知審官院為樞密副使遷刑部侍郎上疏論張者不可為樞密使由是忤太后旨坐以笏擊其僕誤折其齒罷留守南京大興學校自五代以來天下學廢興自公始名拜御史中丞改兵部侍郎兼秘書監資政殿學士翰林侍讀學士知天聖八年禮部貢舉明年為三司使復為樞密副使改參知政事遷尚書左丞太后謁太廟有請服衣

冕者太后以問公公以周官后服對太后崩大臣執政者皆罷以公為禮部尚書知亳州徙知陳州遷刑部尚書復合為御史中丞又為三司使知樞密院事拜樞密使再加以檢校太尉同中書門下平章事慶曆三年三月遂以刑部尚書居相位充集賢殿大學士兼樞密使自公復白用而趙元昊反師出陝西天下敵於兵公數建利害請罷監軍兼以陣圖授諸將使得應敵為攻守及制財用出入之要皆有法天子悉為施行自宮禁先以率天下而財賦之職悉歸有司卒能以謀臣元昊使聽約東乃遣其王號公為人剛簡遇人必以誠雖處富貴如寒士如樽酒相對歡如也得一善稱之如已出當世知名之士如范仲淹孔道輔等皆出其門及為相益務進賢才當公居相府時范仲淹韓琦富弼皆進用至於臺閣多一時之賢天子既厭西兵憫天下困敝奮然有意因羣才以變治數召大臣條天下事方施行而小人權倖皆不便明年秋公以事罷而仲淹等亦相次去事遂已公既罷以工部尚書知潁州徙知陳州又知許州三遷戶部尚書拜觀文殿大學士知河南府兼西京留守累進階至開府儀同三司勳上柱國爵臨淄公食邑萬二千戶實封三千七百戶公享年六十有五自少篤學

至其病急猶手不釋卷有文集二百四十卷嘗奉勅修上訓及真宗實錄又集類古今文章為集選二百卷公為政敏務以簡便其民其於家嚴子弟之見有時事寡姊孝謹未嘗為子弟求恩澤其在陳州上問宰相曰晏某居外未嘗有所請其亦天所欲耶宰相以告公公自為表問起居而已故其薨也天子猶哀悼之賜予加等以其子承裕為崇文院檢討孫暨甥之末官者九人皆命以外郎虛舟之妻李氏工部侍郎孫暨之次孟氏屯田員外郎虛舟之妻鍾鹿郡夫人次王氏大理評事尚書合超之女封榮國夫人子八人長曰居厚大崇讓著作佐郎承裕尚書屯田員外郎宣禮贊善大夫崇讓著佐郎明遠祇德皆大理評事幾道傳正皆太常寺太祝女六人長適戶部侍郎同中書門下平章事富弼次禮部侍郎顯於朝者多公所薦達至擇其女之所從又得而士之顯於朝者多公所薦達至擇其女之所從又得二人者如此可謂賢也已銘曰有姜之裔齊為晏氏齊在春秋晏顯諸侯傳載桓子嬰稱於邱其後無間不亡僅存有煒自公厥聲以振公之顯聲實相天子宮東宮以及相予始卒一躬輔我以德隆汝初事我王宮東宮以及相予始卒一躬輔我以德

有勞於邦公疾在外來歸自洛天子曰留汝予舊學凡
今在廷莫如汝舊孰以昇予惟予聖考今既亡矣孰爲
予老何以贈之司空侍中禮則有加予思何窮有篆其
文在其碑首天子之褒史臣有詔銘以述之永垂厥後
左僕射文元公賈昌朝墓

宋史本傳昌朝字子明真定獲鹿人真宗天禧初進士

仁宗慶歷三年拜參知政事治平元年卒御書墓碑曰

大儒元老之碑乾隆邵志云在州西南凌錦里按邵志

儒二里併今文風里墓在鴻暢鎮

朝散大夫賈公述墓

賈昌朝之孫在縣西鴻暢鎮文風里王寔撰墓誌其文

諱公述字傳之丞相文元公之孫尚書駕部員外郎贈
右光祿大夫諱田之子也文元公以經術勲業輔相仁

宗門戶光大公自幼刻意於學無貴驕習及長淳厚和
裕於事無不練達以文元公遺表恩授將作監主簿遷
太常寺太祝丁父憂服除遷大理評事元豐官制行換
宣義郎賜緋衣銀魚九遷至朝散大夫初監開封府歲
平縣鹽稅從辟監廣利門秩滿知越州剡縣有盜發家
得者公察其在釋之果非盜人以為不可欺知無爲軍
廬江縣丁母廬平郡太守李氏憂服除知常州晉陵縣
所至吏畏民愛有能稱通判郟州亳州應天府除開封府
軍巡判官內香藥庫通判郟州移河南府除開封府右
州鑄錢未赴知開封府開封縣宿臺其別挾無所遺
治効著聞部使者更薦之除太僕寺丞其別舉河北京
東監香鹽稅屬司廢通判大名府未赴而司復還舊任
鹽課增羨以千萬計前此畿滙額自列率被賞公獨曰
是乃職事也卒不自言改京西南路提舉常平事會
隨郟饑公請發入州米賑之所活甚衆未幾得小疾起
居猶自如公慨然曰吾使者當一路寄可以病處之哉
即請宮觀得管勾西京嵩山崇福宮愛穎昌以爲賢士
大夫所聚下家馬府城外之西北隅有文元別圃水竹
清勝暇日引子弟杖策徜徉其間超然也時以年勞富
遷及改金紫服皆不肯自陳遂請致仕雖親舊不及知

既得謝皆往賀且曰公幸未衰又無田以供僕贖... 祿獨不為後日計哉公笑曰吾病不任事矣又敢安祿... 邪聞者服其知止公自少好讀書其為詩清麗而造理... 後痺且甚猶自力不廢與賓客譙語終日不倦以政和... 三年十月戊申卒享年六十以其年十二月癸卯葬於... 陽翟縣大儒鄉元老村文元公塋之次娶王氏贈光祿... 大夫諱力之女始封壽陽縣君改宜人子男二人曰逮... 日造皆將仕郎女子七人適忠州郡修武趙武即趙... 叔遵宣德郎王令澤從事郎宋暹修武郎趙余冲假將... 仕郎王令深幼在室諱嫁承奉郎韓瓊公葬有日遠來... 請銘因係公世次官代為之銘曰位惟時職融公其嗣孫藹... 慶歷之隆有相魏公曰德曰位惟時職融公其嗣孫藹... 然有聞不修不顯惟德之純試于百里是謂循吏爰領... 一道是謂循吏弗究其施引疾以去公豈遂廢惟義之... 懼匪公曰歸壽亦止此... 公乎命邪溼則有誅

太史中書令文莊公夏竦墓

宋史本傳竦字子喬江州德安人真宗初舉賢良方正

仁宗朝官至樞密使封英國公乾隆邵志云墓在州西

安慶里 按安慶里併今文風里未知墓所在

太子右衛率府率田紹芳墓

乾隆邵志云在三峯山之原范仲淹撰墓志 其文曰古

於人者必享厥祚大厥後易不云乎積善之家必有余慶所謂不在其身在其子孫者信矣公諱紹芳其先雁門人曾高家於冀自耶律氏熾得石晉山後八郡又歲侵兩河間王考諱某被遷於盧龍署之以官復治產雲中而貨殖焉考諱某能幹父之蠱其家益顯娶王氏而親信左右嘗從而南牧帳下多掠獲漢家土民俾公尸之公默計曰漢人吾曹也驅之如犬羊非有罪辜將孥戮於虜中乃縱之夜亡者千計此德於人多矣公亦自負謂大丈夫胡能老於異域哉考妣既葬吾其歸歟乃偕身草莽會夜則負斗而奔既造朝廷真宗憫然嘉之補職於三班以其勇果屢委軍中抽外方寇所謂巡檢

者至則盜息民得安堵公祥符中主帥之陝口寨時龍
水郡蠻寇大擾成兵屢屢峽口溪洞亦乘聲嘯聚一
近寨圍而噪之公戒軍士曰我露其勇彼將整而難破
不如示之怯士敢先動者吾以軍法從事衆皆肅然聽
命既夜公自率驍果突而擊之斬十餘級雖衆會不
能措手足大駭而奔自是終公之斬不餘級雖衆會不
其功不以上聞公曰吾自勇還漢獲從王事足矣烏敢
爲功哉又嘗誨督諸子曰吾以漢有聖人之風故脫身
以歸今教汝詩書趨聖人之道使汝輩有立吾將鼓歌
以終天年豈病其不達耶子况舉進士高第又舉賢良
方正天子親問當世治亂祥咎以對第一乃速進用四
五年間掌西掖書命爲陝西道真撫使還朝敷奏稱旨
乃詔寵公以太子右衛率府監瓊林苑金明池以便
子養士大夫榮之天子倚率府監瓊林苑金明池以便
士出領秦鳳路經畧使公在疾經畧求省侍有詔敦
勉遣中人尙醫診視公以慶歷五年乙酉孟秋月壬子
不起享年七十有四上嗟惻之加賜賻焉經畧累章哀
訢得告奉公之喪以某年月日葬於許州陽翟縣某原
禮也公性剛直未嘗曲於人然明恕少怒官于閩中有
愛馬使一卒乘習漕危橋不下馬折定而斃公曰卒豈

欲是耶不復以一言詰之人皆服其度公娶李氏贈福
昌郡君前十五年而亡生八男經畧卽長子也次曰淵
有司業舉進士以兄蔭補試秘書省校書郎許州郟城
縣主簿次曰沃濩幼亡次曰洵穎上主簿次曰浹登進
士第唐州團練推官次曰洸太廟齋郎次曰泳皆業進
士次小子實哥尙幼三女長適海州東海令張震次適
辰州理掾高燾次適鄂州咸寧令張子方皆以婦道稱
於宗族某嘗與公會於丹陽見公氣貌話言剛而質毅
而恭使人信而愛之又與經畧之游舊矣俾序而銘云
公復其家去狄而華公教其嗣挺國之器厥後旣隆又
壽而終天子賜馬大夫
弔焉非積德而胡然

太保田况墓

况父紹芳史名延昭葬陽翟况從之墓在三封鄉西吳
里王安石撰志銘志文采入傳茲不具

博士程坦墓

乾隆邵志曰在麥秀里
按麥秀里併今禮林里
諫議大夫孫甫墓

乾隆邵志曰在州西塢頭村
按邵今義讓里
歐陽修撰
墓志 其文曰公諱南字之翰陽翟人也初舉進士天聖
五年得同舉出身為蔡州汝陽縣主簿八年再
舉進士及第為華州觀察推官轉運使李紘薦其才遷
大理寺丞知絳州翼城縣故丞相杜祁公與紘皆以清
節自高尤難於取士聞公紘所薦也數相致之皆以清
壽已而祁公自御史中丞拜樞密直學士知承興軍辟
公司錄凡事之煩猥者一以委之公歎曰待我以軍
以去矣祁公為謝顧事非他吏不能者歎曰待我以軍
從容為陳當世之務所以緩急先後施設之宜又多薦
士之賢而在下者於是祁公自以為得益友歲滿知彭
州永昌縣監益州交子務再遷太常博士祁公為樞密
副使薦於朝得密閣校理是時諸將卒兵討靈夏久無
功天子方銳意更用一二大臣乃極選一時知名士
矣天子方銳意更用一二大臣乃極選一時知名士

置諫院使補闕失公以右正言居諫院上好納諫諍未
嘗罪言者而至言宮禁事人猶須委曲間諷而公獨曰
所謂后者正嫡也其餘皆偏婢爾貴賤有等用物不宜
過僭自古寵女色初不制而後不能制者其禍不可
上曰用物在有所謂前世女禍者載在史書陛下可
所以達不知也若所謂前世女禍者載在史書陛下可
自知也上深嘉納之保川兵變前有告者大臣不時發
之公因言樞密使副當得罪使乃杜祁公也邊將劉滬
城水洛於渭州部署尹洙以滬違節度將誅之大臣稍
主洙議公謂水洛通秦渭於國利滬不可罪由是罷
洙而釋滬洙公生平所善者也公在諫院所言補益尤
多是以某事當去者人所難言其二人在所難處者其
相以某事當去者人所難言其二人在所難處者其
事公又言執中不可用由是上難之公遂求解職於是
小亦不便大臣執中不可用由是上難之公遂求解職於是
公亦不便大臣執中不可用由是上難之公遂求解職於是
州徙知安州歷江西南浙轉運使再遷兵部員外郎鄧
直史館知陝府又徙晉州河南轉運使公素廉性淡然
寡所好欲恂恂似不能言而內勁果遇事精明議者謂
公道德文章家有朝廷備顧問而錢穀刀筆非所職然

馬 卷十三 陵墓志

公處之益辦至臨疑獄滯訟常立得其情大賊張海郭
貌山攻劫商鄧新破南陽順陽公安輯有方常曰教民
知戰古法也乃親閱縣弓手教之擊射坐作皆為精兵
盜賊為息陝當東西衝吏苦厨傳而前為守者顧毀譽
不能有所損至公痛裁節之過客畏其清初無所望而
亦莫之毀也陝人賴以紓後遂以為法其為轉使所至
州縣視其職事修廢察其人民樂否以為升黜官吏而
不納毀譽遇下雖嚴而不害其在兩浙范文正公守杭
州以大臣或便宜行事公曰范公貴臣也吾屈於此則
不得伸於彼矣由是一切繩以法而常以監司自處范
公遇公無倦色及退而不能無恨公遇范公不少下然
退而未嘗不稱其賢也自河南名為度支副使勤其職
不以為勞已而得疾嘉祐元年遷刑部郎中章閣待
制河南都轉運使不行疾少間乃留侍讀公博學強記
尤喜言唐事能詳其君臣行事本末以推見當時治亂
每為人說如親身歷其間而聽者曉然如目見故學者
以為終歲讀史不如一日聞公論也所著唐史記七十
五卷論議宏贍書未及成以嘉祐二年正月戊戌卒於
家享年六十六既卒詔取其書藏秘府贈右諫議大夫
又有文集七卷公善接士務揚人善所得俸廩多所施

與撫諸孤兒教育如己子曾祖諱恕博州堂邑主簿祖
諱賁尚書庫部員外郎考諱從革不仕以公貴贈都官
郎中母長安縣太君李氏娶程氏壽昌縣君子三人長
日宜滑州節度推官次曰實曰真皆將作監主簿女三
人一適將作監主簿程著餘皆早亡以五年七月丁酉
葬公於陽翟舊學鄉塢頭村之北原銘曰
惟學而知方以行其善惟簡而無欲以遂其剛力雖弱
兮志則強積之厚兮發也光宜壽兮奄以藏有深其泉
兮有崇其岡永言
其固兮百世無傷

修撰鮮于侁墓

乾隆邵志云閬州人景德中登進士官至集賢殿修撰

秦觀撰行狀范鎮撰志銘在大儒里仰高村之原

太尉文簡公章得象墓

乾隆邵志云在三峯之原宋史本傳得象字希言泉州

人仁宗時官至昭文館大學士卒贈太尉諡文憲皇祐中改諡文簡宋祁撰志銘

范評事墓

乾隆邵志云州西三十里有石羊石柱斷碑尚存字皆剝落

侍中榮僖公張耆墓

宋史本傳耆字元弼開封人幼給事真宗藩邸官至尚書左僕射兼侍中以太子太師致仕趙概聞見錄云耆與晏殊俱葬陽翟麥秀里元祐被發今無考

九江掾宋玘墓

乾隆邵志云卽宋庠宋祁之父墓在三峯之原

按在今文風里

九甲張樓庠玘墓同城

參知政事元憲公宋庠墓

附葬玘墓次宋史本傳英宗爲篆其墓碑曰忠規德範之碑

翰林學士承旨景文公宋祁墓

乾隆邵志云附葬宋庠墓次宋史本傳祁自爲志銘及治戒以授其子三日斂三月葬慎無爲流俗陰陽拘忌也棺用雜木漆其四會三塗卽止使數十年足以腊吾骸朽衣巾而已毋以金銅雜物置冢中且吾學不名家

文章僅及中人不足垂後為吏在良二千石下勿請諡
勿受贈典冢上植五株柏墳高三尺石翁仲他獸不得
用若等不可違命

職方王易知墓

乾隆邵志云三峯之原易知許昌人擢進士官至職方
郎中

樞密直學士狄爽墓

在舊張澗里鎮定里八王安石撰碑其文曰狄氏
后時有以諫直至宰相者有功中及社稷是為梁
公公梁公之十四世孫也諱裴字曾祖曰崇謙連
州桂陽縣令祖曰文蔚全州清湘縣令考曰希顏徐州
錄事參軍及公貴贈錄事君至兵部尚書而母李氏封

隴西郡太君蓋梁公之後有兼暮者亦有名蹟至大官
其後錄仕不終然寢微不顯及公乃以行能為時用出
使入侍中尚書工部侍郎直樞密為學士天下稱為善
人長者公少孤力學中咸平三年進士甲科其官自大
理評事歷大理寺丞殿中丞太常博士尚書屯田都官
職方員外郎祠部刑部郎中太常少卿右諫議大夫給
事中其職自直昭文館歷龍圖閣直學士其初任知袁
州分宜縣後掌開封府司錄通判鄧州成都府為開封
府判官使京西成府路轉運又使制置淮瀾再判東
部流內銓知審官院知壁廣滑魏隨陝鄭同場九州河
中河南二府其知陝州河中府以趙元昊反擇西方守
吏其知隨州則坐魏時軍事有驕不遜者不即治其
也享年六十七公惇厚實未嘗妄言笑雖有喜愠未
嘗見色終身不言人過惡罷南海所齎無南物在陝中
貴人有力者言將援公于上公為不聞接以他語退而
歎曰吾束髮至此得爵祿皆以義可以老而自汚耶蓋
其廉如此其治民出於寬仁不忍雖以此嘗得罪然自
若弗悔也當時士大夫聞其死多歎惜累階至中散大
夫勲至上柱國爵至山陽郡開國公食邑二千一百戶



食實封四百戶夫人武城縣君路氏左司諫知制誥振
之子女初公以布衣見路公路公即譽公文學行治妻以
其子生六男守遵道遵度遵禮遵愨遵路遵彞遵路當
天聖初善為古文志義甚高嘗為襄州襄陽縣主簿不
幸早死君子莫不傷之遵度為太常寺奉禮郎與遵道
遵愨遵彞亦皆早死遵禮今為尚書虞部員外郎六女
子嫁衛尉卿王罕衛尉卿魏琰樞密直學士何中立尚
書駕部郎中王信民二人早死狄氏當五代之亂占潭
之湘潭至公始葬武城君子許州陽翟縣張澗里故以
公合葬葬以慶曆五年既葬二十年而遵禮來求銘文
刻之墓碑銘曰
維狄先公開號于梁扶國舉帝仁柔義剛施垂子孫祿
不曠仕歷世十四公為循吏內行振振恕以與人無恙
無忌考終厥身陽翟古墟有幽新里銘詩不磨彼石之
視

朝議大夫狄遵禮墓

狄棐子墓在張澗里黃庭堅撰志銘

其文曰公諱遵禮字子安唐大臣梁

公之苗裔避五代亂始去太原稍占籍湘潭間公之季
年乃以孥家食於荆南而墳墓實在陽翟祖希顏徐州
錄事參軍贈兵部尚書父棐樞密直學士工部侍郎亦
贈工部尚書公之伯氏遵度字元規名士也故公之學
問淵源近前輩有所問則行之少以父任試祕書省校
書郎三遷為大理評事知胡州安吉縣明州鄞縣稍有
能聲以大理寺丞通判成德軍通判蜀州賜緋衣銀魚
又通判江寧府知興化軍發運使改鹽法薦公知漣水
軍廢軍為縣改知沂州未上選管勾牛羊司罷知淮陽
軍避高裕遵改通州於是七遷為尚書駕部郎中賜紫
衣金魚改朝議大夫管勾崇禧觀以本官致仕以子明
遠任右朝議大夫進左朝議大夫致仕六年乃卒享年
七十有六實元祐九年正月也勳上柱國爵西域縣開
國男食邑七百戶夫人壽安縣君鄒氏七子長則明遠
次明復前河南府左軍巡判官次明權蚤卒次明通郊
社齋郎次明忠假承務郎次明述明昭三女子嫁通直
郎吳克禮蘭溪尉沈道宣德郎沈遜在安吉時馬守
潮州少公恐不任事安吉大姓俞氏所為多不法前後
令不敢擊俞氏私釀酒椎牛會客公捕得劾治尋大驚
曰乃能如我少時在鄞縣縣中號無訟乃築亭觀延閩

太常孫珪墓

人章望之表民與講學士子頗歸之表民集中有與狄子論事則公也在興化時邑中仕家十八九賓禮秀孝摧折強宗與温泉秋蘆之陂溉南北西洋民食其功去而祠享之其為通州風壤民廬舍老幼失處勞來勸戒不以遺後人公天資敦厚不道人短長仕官且然其所知雖大利害以與人不知資已待僚屬盡敬見其一長保薦不以疑似小過輕絕之元規早世嫂劉夫人少寡守二女公事嫂撫孤子不愧古人退居與父老欵曲未嘗入謁府縣訖于牖下言笑而終不以疾通嗚呼可以無媿矣明遠將以紹聖改元之明年奉公之柩合葬於陽翟之張澗壽安縣君之墓側來乞銘於豫章黃庭堅昔余舅氏戶部尚書李公擇元規壻也數為余道子安之為人今子安後歿不得公擇銘其墓銘非余其誰銘曰

良吏循循父母小民事不赫赫故走於塵天下長者為人不疚商財計功則在人後嗚呼狄公睦家甚雍政問得民不問其逢康寧壽考德則自好不富其橐以仁為寶臚膺韓城其望具茨公宮其中詔為銘詩

乾隆邵志云州西南范北里今稱宛邱人舉進士官至太常少卿蔡確撰志銘葬大儒鄉魯子原

知淮陽軍田晝墓

在縣西南三峯山陰董村店文風里陳欽命撰志銘並

書篆書法清勁惟石剝蝕已甚不可句讀現存董村店

關帝廟

吏部郎中劉昱墓

在舊晉臺鄉紫雲原今禮里畢仲游撰志銘其文曰公諱

叔字也家世居曹為曹人有名有古者以官治葉三年葉人宜之遂留不去因家焉更為葉人晦叔考諱惟新祖諱從一會祖諱文顯而考以晦叔贈官至正議大夫由正議而上問三世不仕至晦叔始以仕行其志雖不

至通顯而節操治行號當世聞人葉城劉氏遂為令族
矣晦叔嘉祐中以讀治五經得高第歷真定尉上元縣
主簿博平令改大理寺丞簽書永寧軍判官有能名擢
知開封府襄邑縣為京西轉運司屬名對提舉秦鳳等
常平自是為河北淮南轉運判官京西成都陝西河東
轉運副使開闢為戶部吏員外郎鄧中使大遼國押伴夏
國泛使江淮荆浙發運使知晉州涇州滄州太平州毫
州應天府凡二十八年任五十六年未嘗有瑕謫為人樂
易温厚而易于事其治民也視公家如視私家而為之
政隨其長短有無而用心焉故所至稱治而行之久見
于事者眾故人以為有古循良之風在涇州本道數被
寇邊吏多為守計不出公曰攻守豈有常哉乃總計內
外屯營鳩材峙糧若將繕治而有所待者期年而辦居
無何詔進築平夏發經以奔命樓櫓之材以間計者三
百四十有九他州倉猝一切取于臨時而公獨辦以繕
治諸營材附調夫以行無一物干民者平夏之役漕臣
下合為驢運驢至生地無芻菽率多斃蹄于道糧亦屑
越希有達者公獨教民以小朝饋邊用二人輓致之既
益多而入生地無芻菽之患小朝饋邊用二人輓致之既
夏率本道者乃下合諸州視公所為而法之平夏既成

士卒罷歸者數萬人邊塞蚤寒公乃預飭屬縣為衣裘
密室備糗糧以待又移交旁郡相與撫其歸者旁郡如
公之教因緣所活無慮百萬數任滄州時河北歲大饑
朝廷遣使者督視所在賑給州縣大為俵發人人而給
之以給多為功公曰給其所當無多少也務為給多則
後無繼矣秋雖飢而在少壯者或可以自養乃先給其
老弱疾病而徐及壯者他州厚其初至春果無以繼率
多飢死而公之境內歷三世無有飢者茲非隨其長短
治私家之明驗耶茲非隨其長短有無而用心之效耶
雖行令之道而有古循吏之風信矣公累官至奉直太
夫娶楊氏韓氏率皆贈恭夫人長子曰良質次曰民師
奉郎次曰民瞻朝散郎次曰民則宣教郎次曰民瑛次
未名而天凡六人孫曰瑛曰瑛曰瑛曰瑛曰瑛曰瑛曰
瑛曰瑛曰瑛曰瑛曰瑛曰瑛曰瑛曰瑛曰瑛曰瑛曰瑛曰
適宣德郎張忱次適朝奉大夫崔獻次適文林郎王本
次許嫁未行而亡次在室凡五人承奉郎范直清次適承
王頤次適將佐郎張安老次適承奉郎范直清次適承
務郎時謙牧餘在室凡十一人承奉郎范直清次適承
日釗日鈞凡五曾孫女一人鳴呼可謂眾且盛哉公守
應天後倦於吏治乃請富於朝得提舉西京嵩山崇

馬系示卷十三 更墓志

福宮居許下日與許下諸君及賢士大夫以詩書琴奕
自娛凡九年至政和四年八月請老於朝以其月七日
卒於家年八十一嗚呼可謂壽考康寧而善終哉公既
卒諸子卜地于陽春縣晉臺鄉紫雲原將以政和六年
七月庚申葬公於所卜之原而再拜泣血請銘其墓於
東方畢其惟某雅與公進及綱羅公之行事其所踐歷
及官封率葬而為誌誌成以示沛國朱光裔公遠公
遣曰是皆公之大節也抑有餘事可以益諸仲游曰可
哉公遠曰公在襄邑時有疑訟更數令不決公曰何訟
之疑而不決如是第求察爾乃深探其事指授而決之
不在意也後二十年公守毫州舟次泗上有焚燭再拜
正直公之舟者問其故曰公在襄邑所決疑訟之人也
指其葬曰懷此二十年矣今得見公於此故焚燭一事
也公之子若孫既衆多而其待兄之子與民章猶已
子也自德孩提即教使為學舉進士及長與其子民師
皆以進士得第而德仕至宣德郎而卒公哀之會大禮
當任其孫璞為官公輟薦璞之恩蔭補民章之子瑗瑗
仕至宣德郎又卒公又輟薦瑗之恩蔭補德之子琦瑗
晦叔慮兄弟間亦至矣二事也公性恬安守正而不肯
與物忤荆公介甫父子愛公為人數稱之公以官居洛

故相高平范公與當時諸老亦愛公為人稱之如出一
口元豐中神宗皇帝聞其能召對面賜諭甚渥其後入
內外與搢紳士大夫游無不得其心是宜取大官美祿
以重其金玉於家然官止奉直大夫任不過發運所居
之廬纔足蔽風雨而田園卒歲之外無有餘者以此知
公仕宦出入中自有義志在奉公如私以愛民為本要
之稱職無所負而已則良心尤可知矣三事也雖非大
節亦可以益諸某曰嘻孰為小哉是亦公之大節也因
并載而為之銘銘曰
凡今在公治不為易厥惟其家願言則治極公如私昧
者不為嗚呼公乎獨能為之涇水之陽滄海之涘公為
民父民則公子孰有孰無如家壘壘惟其壘壘是以煒
煒有子蒸蒸有孫繩繩孫復有子兄子兄孫
兄子兄孫再振以恩何斯銘斯公半古人

大理評事杜詵墓

在舊麥秀原

今禮林里

蘇舜欽撰志銘

其文曰杜君叔溫終

日葬於慶曆甲申九月二日許州陽翟縣麥秀原即其
地君始生十餘歲能通誦五經稍長學文精筆翰效杜

子美作詩其勁峭嚴密指事泛情時時實至絕處常恐以詩見名於世不肯數為使之有年而不息可勝言耶性洒然峻拔少所與合然外甚謙照喜評論終日疊疊不倦在平陽幕郡將有卒竟放於治者君必以辨之雖老黜宿吏皆竦視莫敢移其說天章吳安道祕閣石曼卿皆當世偉人奉詔籍民兵於兩河獨延君計事君為僚其未便者三公歎息稱道之奄忽之前數月慨然棄官歸膝下嗚呼其知命歟享年二十有五官至大理評事簽署建雄軍節度判官諱訖今樞密使吏部侍郎京兆公之長子娶崔氏一子曰振祕書省校書郎子以叔溫親而又以文義相周旋辛巳春予病甚叔溫來升牀執予手語言而去予時為病所毒不甚辨尚意已必死不復見叔溫才三四日予稍間而聞叔溫逝矣不覺震起一慟予病復作今予乃獨存而無恙每一念之令人悲酸況又見吾叔溫大葬且復誌其平生可勝悲哉

奉禮郎杜訢妻張氏墓

在舊麥秀原蘇舜欽撰墓文 其文曰婦氏張靜而溫承

訢睦族人孝所尊才三歲終長安後四載封秀原號慶歷直甲申秋季初實令辰地陽翟此寧魂淑而天孰可論乳女一今始言石鏡文誌沈魂

虞部晏君妻王氏墓

在舊學鄉之原 今穎川張耒撰志銘 其文曰夫人王氏

宗為執政號名臣祖睦尚書司勳員外郎父乙尚書庫部員外郎庫部主簿於咸平時夫人年十六丞相晏元憲聞其賢為其子虞部君娶之夫人家中微起嬪相門能以禮自持接上下有則堂無姑夫人宰家事內外無不允者元憲嘗曰吾無憂矣夫人寬裕而好禮簡儉而樂施夫族有負市易錢百萬者夫人為出所有償之次子方提孩其伯父以教取補牒還之以虞部升朝封春安官夫人曰吾子可教取補牒還之以虞部升朝封春安縣君又以長子恩改封崇德縣太君而元憲薨時仁宗臨奠面賜冠帔生三子長某朝散郎次藻先夫人卒季姪左班殿直監黃州酒稅樂善好學敏於為吏職從子游甚善也方夫人疾革姪嘗判股肉以進三女長嫁某

次嫁某孫男十一王氏舊為霸州文安人自司勳始居開封之咸平今為咸平人以某年某月葬穎昌陽翟舊學鄉舍於虞部之墓姪求銘于予銘曰
隱而聞於顯微而立於貴吾何為哉始終吾義有子而孝歸從其良儀爾
山川德音不忘

朝奉郎晏曇妻李氏墓

在舊學鄉北原祕書省正字林自撰志銘

其文曰夫人姓李氏應天

府宋城縣人給事中贈吏部尚書防之曾孫太了中舍贈大理卿良治之孫尚書虞部郎中安道之女年十有八歲適朝奉郎行太府寺主簿晏曇湯沐與國縣紹聖元年四月十五日卒年四十四以四年九月二十二日葬穎昌府陽翟縣舊學鄉之北原狀夫人行來求銘曰夫人自幼敏慧曉書數凡組紉女事諸久習者有弗能及既歸晏氏宜其家人間內以睦下至妾御無忤衣哺諸子所豐所美不必已出嬉戲在前至昵與親莫覺其異朝奉嘗寢疾且困夫人禱焉剖股肉羞為藥以進疾乃有瘳咸曰至誠格哉子三人力行郊社齊郎次上行

志行未仕女五人未嫁銘曰

士病無能弗應弗聞婦德幽微厥聲沈湮孝稱於存永

銘其口與國之

耀其孰與倫

奉直大夫宋奉國妻孫氏墓

宋祁第六子婦在文風里九甲張樓通直郎守祕書丞

李錞撰志銘

其文曰夫人孫氏其先眉山人故觀文殿學士諡文懿公諱朴之幼女皇祐中文懿

與景文宋公俱在翰林對掌誥命相與歡甚嘗約為婚姻其後卒以夫人歸宋氏為奉直大夫致仕保寧縣開國男奉國之配蓋景文第六子也夫人幼莊重自少如成人十歲誦書史領畧大義習為詩句法奇古逮長端靖嚴毅女紅之隙嘗讀劉向列女傳時以自規警既歸夫家事其姑太恭人以孝聞左右奉直公以順稱輯睦婢奴以和著太恭人春秋高且抱疾夫人年踰耳順親其食飲以和奉無惰容伺其動息康安則津津見於詞色小違攝則愀然為終日不食歲時烝嘗必躬爨之役族中視以為法奉直公蒞官廉慎清苦雖為二千石而

家無贏餘夫人謹用度量出入之制而上下告足已亥
之春奉直公奄終壽考夫人念伉儷之重茹未亡之痛
因得痺疾又三年竟以不起實宣和四年正月二十九
日也享年七十有七夫人始以治平元年用文懿公宮
師謝事恩錫簪履服元豐初奉直公升朝籍封靜安縣
君政和三年官制肇新改封恭人夫人仁厚謙恭淑哲
自將初適宋氏奉直公家既貧同產或未婚娶夫人盡
斥奩具以辦而口未嘗自言蓋其疎財好義殆天性也
喜為詩文與班謝相上下晚依祖道解金剛經四句偈
凡數百言詮釋微奧直徹至理蓋其宿植德本故發為
言辭皆入三昧至於組紉緝之細鮮鱗毫涸之法率
造詣精極則夫人之德之才之藝其過人遠矣初奉直
公既致所仕恩當任子而法有十歲之限於時猶子屢
年困於場屋公憐其刻意將以名應格既語夫人夫人
曰吾志也卒以命之鄉黨由是益服公之義而重夫人
相成之美云孫氏之先其世次勲封俱載文懿公之誌
此不重敘夫人二男子曰常通直郎知大宗正事先
七年卒曰鞏從事郎充應奉司管句官五女長適通直
郎孫昌次適奉直大夫吳恂次適宣教郎王時次適丞
仕郎李紘次未嫁而卒孫男二曰許將仕郎曰讓尚幼

孫女三長適將仕郎劉滂次在室次蚤夭是歲其孤輩
奉夫人之柩合祔於穎昌府陽翟縣太儒鄉范村奉直
公之墓且擇三月十四日吉銘曰
事姑以孝承夫以義睦族以慈三德咸備雍雍夫人始
卒可師動靜語默維婦之視見義必為亡私寡欲抵璧
捐金以相華族行有餘力文史自娛摘章摘句雖老不
渝晚悟惟宗護持梵戒磨鈍洗疑冰消瓦解箋釋半偈
窮理析微浮雲芭蕉了然知歸七十七終既享厥壽有
子惟賢必大其後三封新阡松
柏森然往耐保寧夫何憾焉

宣教郎蔡皋妻吳氏墓

在錫章里五甲蔡寺侍郎韓粹彥撰志銘據志蔡確墓

亦在蔡寺也其文曰夫人吳氏大父諱奎資政殿大學

徽猷閣待制為陽關路安撫使兼瀛海軍母令人孫氏
既長適宣教郎蔡皋宣教君忠懷公之幼子也初所親
為君擇宜家之配至慎一日或語夫人賢淑於是弗詢
於眾弗稽於卜不數日而委禽焉夫人既歸夫家孝恭

溫懿執灑掃之禮伉儷之間嬉嬉和諧克當君子至於
接待親族小大皆以勤款人欣悅性尤敏慧組紉之
事精麗鮮倫揮染亦有體裁俄而姑秦國太夫人孫氏
薨夫人哀慕殞絕躬護靈輦以畢大事不幸既葬秦國
太夫人之冬邁疾遽即淪謝享年二十子一人曰綱方
孫幼噫人之配耦不能效女蘿長松之俱榮而並秀者
十常六七此詩人以偕老為美也若夫人之天閱不永
則口所主其偶然耶抑謀之陰陽拘忘之說口而終之
故耶是可悲已夫人之卒政和陽元十二年丙申也至
四年十一月癸酉葬於潁昌府陽翟縣蔡氏先塋之次
焉銘曰
婉婉夫人流慶自先克國清胃發問繫賢壽奚不永眾
美則全人口口口抑命在天韓邑之
北松柏森然往從舅姑宅此新邑

李尙書墓

乾隆邵志云州西順鎮里鎮峯里石獸尙存其原無考

金大尹王維良墓

乾隆邵志曰州西玉橋里鈞陽里有碑其先太原人貞
祐中金主遷汴其祖扈蹕因居陽翟花池頭

訾仙墓

縣東留侯洞之東

將軍墓

乾隆邵志曰州北二十里鏞章里五甲
老將莊西岡

田提舉墓

乾隆邵志曰州西富城里義讓里

田知府墓

乾隆邵志曰州西富城里

元彬哈都墓

乾隆邵志曰州西東峯里近有人得其坊額乃元朝列大夫居孫陽里

夷山侯墓

乾隆邵志曰黃臺西南有巨碑去公諱野克野烈年十三從太師察罕伯顏入中國以功封夷山伯居陽翟配房氏歿贈夷山侯葬鈞州陽翟縣黃臺之原子萬戶抄兒亦立石翰林知制誥元明善撰文其後子孫改姓劉即大學士劉宇之祖也今碑不存墓亦夷矣土人謂在城東二十五里鎮定里岡李村東

馬光祖墓

乾隆邵志曰東郭外二里元汝寧府判官馬慶祥也

牛平章墓

乾隆邵志曰州北五里教場之北錫章里一甲塚存

竇吏目墓

乾隆邵志曰州北六里元時為鈞州吏目碣尚存

明周定王墓

乾隆邵志曰州北五十里明山下紫金里十甲後塋

周恭王墓

乾隆邵志曰州北三十里紫金里九甲前塋

周端王墓

乾隆邵志曰州東北三十里紫金里九甲
大道觀中塋

徽莊王墓

乾隆邵志曰州西九十里鎮峯里八
甲下官司

徽簡王墓

乾隆邵志曰州西九十里鎮峯里八
甲下官司

康僖王墓

縣東北黃臺里鎮定周藩郡王有石坊

徽恭王墓

縣西十五里文風里二
甲董村

榮陽王墓

縣西十五里文風里二
甲董村

陽夏王墓

乾隆邵志曰在州西北楊家岡

太和端僖王墓

乾隆邵志曰在州西

建德康和王墓

乾隆邵志曰在州西

景寧恭裕王墓

乾隆邵志曰在州西三峯里

遂昌王墓

乾隆邵志曰在州西北楊家岡

懷慶王墓

乾隆邵志曰在州西十里義讓里一甲新莊

孟津王墓

乾隆邵志曰在州西

修撰李叔允墓

乾隆邵志曰州東十里明洪武時直史館

封君馬獻墓

縣東郭外泰山廟迤南端肅公馬文升之曾祖邵志作文升之

祖誤茲本李賢所撰馬榮墓表改正

封君馬榮墓

縣西禁溝端肅公馬文升之父大學士李賢撰墓表其文

曰君諱榮字士華河南鈞州人曾大父諱伯川大父諱獻父諱志剛俱潛德弗耀妣王氏有淑行君自幼端謹天性孝友讀書好禮不妄交人鄉里咸推重焉早年常游江湖貨易有無既而翻然悔曰吾二親在堂遠離膝下與其冒風波之險逐什一之利孰若力田以奉其親乎於是歸而買田數頃率僮僕勤力於其中歲時所得日豐凡百度用不缺供奉二親必有酒肉而四時之祭未嘗不如意二親喜相謂曰吾兒向為商於外豈得如是今乃知務本之善也已而父忽遭疾君焚香夜禱於天願以身代父疾遂愈君自是益致謹焉且曰父母惟其疾之憂聖人之言良不誣也凡附棺附身之事必誠必信而無悔焉鄉人咸稱其孝莫不取法於君而風俗始歸於厚矣君有子姪數人口秀乃謀於其室王氏曰吾聞讀書可以起家於是遣子文麟文升姪文奎俱為

郡庠生俾之隆師親友而極力供其所費每夕必躬督之因是皆底於成文麟由太學生授陝西河津知縣文升領鄉薦登進士第擢江西道監察御史陞福建按察使進南京大理寺卿文奎亦為太學生口擢用有日文升為御史時兩巡大藩碧數以書勉之且供其費而不欲一毫取於人以故所至振揚風紀丙子朝廷推恩封君如子官及文升位至列卿君益小心謙卑惟恐得罪於鄉人至是以疾卒在成化丙戌閏三月二十九日距生洪武辛未六月十八日享年七十有六君篤於行義友愛其弟白首同爨凡貧窮無衣者必賜恤之無間疎戚死無後者必備棺衾以葬之鄉人周姓者虧鈔納官誣其冢子貴君曰彼實貧困不過欲得財以賞官耳遂以白金百兩與之曰吾必不愧直不疑也鄉有不平事不煩官府悉請君決之非遇大節鄉飲禮未嘗一至州城居家甚嚴子弟有小失者必痛治之上下羣口忽得疾且革語諸子曰汝等惟安分守己不失為善可也又遺囑文升曰女以布衣至此當始終一節以國恩言訖而逝君娶朱氏繼王氏俱為孺人生子四人曰貴朱所出也出粟備荒奉敕旌為義民曰文麟文升文馭王所出也文馭亦納粟授七品散官孫男八人珍璋瓚

員外郭定墓

縣西南十里萬柏里十甲梁北

參政楊端墓

乾隆邵志曰州南三十五里

御史徐珏墓

乾隆邵志曰州東三十五里由舉人官至南京御史

進士黃理墓

乾隆邵志曰州東五里

認雖璋秀玠孫女六人曾孫女一人卜以是年九月十六日與朱氏王氏合葬於州西禁溝之原從先兆也嗚呼馬君積善於躬獲報於天如持左契交互相扶其可必也如此豈偶然哉宜乎為表刻石墓前用勸鄉人焉



知府李性墓

乾隆邵志曰州西五里

太師馬端肅公墓

縣北錫章里四甲馬墳尚書韓文撰志銘

其文曰正德庚午六月八

日少師兼太子太師吏部尚書致仕馬公以疾薨事聞上為震悼輟視朝一日贈特進光祿大夫太傅諡端肅遣官祭葬錄其孫天祐為中書舍人陞大理右寺副今上入繼大統科道論公居官大節宜加優恤乃改贈特進光祿大夫左柱國太師蓋異數也公葬時未有銘誌至是其子璵琇奉今太子太保禮部尚書兼武英殿大學士賈公詠所撰行狀丐都御史張公潤來請文納公墓公在吏部時文嘗得侍寮察知公特深不敢以老病廢學辭謹按狀誌而銘之公諱文升負圖其字別號約齋晚更號友松道人世為河南鈞州人曾祖伯川祖志剛考榮皆有隱德以公貴俱贈太子太保兵部尚書曾祖妣王祖妣王先妣朱妣王繼趙俱累贈一品夫人公

在娠王夫人常感異夢已而生公幼讀書即了大義正統丁卯領鄉薦景泰辛未登進士第授監察御史巡按山西湖廣所至有聲天順癸未陞福建按察使憤鎮守中官擾民輒繩以法民戴其德歌謠載道成化乙酉陞南京大理寺卿未幾以憂去服未闋值固原滿四倡亂邊陲告急特起公為右副都御史巡撫陝西俾與都御史項忠總兵官劉玉會兵討之生擒滿四俘獲男婦二千六百名口斬首七千六百餘級捷聞憲宗皇帝賜勅獎勞陞左副都御史時流賊蠱起漢中李胡子潼關火蝸兒滿城王彪各聚眾劫掠殺敵官軍其鋒銳甚公悉以計剪除之壬辰虜寇臨鞏公督兵追至黑水口生擒平章鐵烈孫斬首數千顆遂陳政事十五事及禦邊三策尋命節制三邊秋九月北虜窺肅州深入固原及好水川公檄名諸路兵按伏湯羊嶺虜至遇伏驚遁盡棄輜重擒斬二百餘名顆捷聞有白金文綺之賜因改其嶺為得勝坡勒石紀功又勦平岷州叛番厥績尤茂乙未召為兵部左侍郎適北邊有警上以公諳練戎務俾往備之公制五營八陣圖以訓士卒復上禦邊十五事皆切時宜邊患遂息陞左侍郎食二品祿戍北邊復叛巡撫都御史陳鉞欲誘殺進貢羹屬以掩已過由是

邊人益懼為亂上命公再往時太監汪直恃寵倖功陰
 主鉞議邀公偕行公弗聽先蒞其地招撫黑鎖成等二
 百餘人比直至虜已解散直無所獲深啣之已亥言官
 劾總兵官歐信韓斌及鉞激變事情逮繫至鉞厚賂直
 傾公公一無所辨遂謫戍重慶內蜀士考德問業若
 未嘗貴顯者直敗公冤始雪詔復其官俾致仕甲辰起
 為左副都御史巡撫遼東禁輯科害人無敢犯公於遼
 東至是凡三往皆樹奇績東人至今思之乙巳陞右督
 御史督理漕運兼巡撫鳳陽等處公搜剔宿弊剗革無
 遺未期陞兵部尚書適貴州都勻黑苗弗靖守臣請發
 雲南四川湖廣兵征勦公持不可奏差郎中御史各一
 員往彼勘處果無他虞尋改南京兵部參贊機務弘治
 改元召為左都御史命掌院事正月陞見名至文華殿
 賜大紅織金衣一襲蓋上在東宮時素知公故也公感
 殊遇益自奮勵知無不言上特倚重焉二月上耕藉田
 公與行九推禮時教坊司以雜戲承應或出狎語公厲
 色曰新天子當知稼穡艱難豈宜以此瀆亂宸聰即斥
 去二御史以糾儀下獄公謂即位之初不宜輒罪言官
 於是得釋時論遽之三月幸大學釋奠公與分獻畢
 列坐聽講賜茶而退及上初御經筵賜資甚厚乃上言

十五事悉見施行未幾復改兵部尚書奉敕提督京營
 軍務七月京城大雨為患公疏時政得失十事以弭災
 變占城國為安南所侵遣使請救眾議未決公即會禮
 部拘朝貢使臣諭以禍福俾還侵地遂通好如故辛亥
 二月丁繼母趙太夫人憂上以邊方多事手詔起復公
 懇乞終喪不允乃出視事貴州苗叛公議遣鎮遠侯顧
 溥率兵往擊之且授以方畧克五十餘寨俘男女數千
 餘口而還自是震懾九月加太子太保以七十乞致仕
 上慰留之戊午春二月皇太子出閣加少保兼太子太
 傅公即上疏其畧曰皇太子國之儲貳天下根本宜擇
 老成純謹之士以資啟沃不宜雜以浮薄之流恐虧損
 盛德上欣納焉十一月清寧宮災敕兵工部議處公言
 天下軍民疲弊乞發內帑銀兩及停止四川採木之擾
 上深以為然即從公議落成有蟒衣白金之賜且官其
 次子琇為錦衣衛百戶火篩擁眾寇大同威遠勢甚猖
 獗京師為之戒嚴上親灑宸翰賜以尚膳品具召公至
 內便殿咨以戰守之策公因舉保國公朱暉等整勅官
 軍以待且令各邊謹斥埃修戰具敵知有備即時遠遁
 哈密忠順王為土魯番鎖摺阿力擄奪王母金印國人
 驚散公訪求陝巴立為王復為阿黑麻擄前據其城乃

請降敕切責繼命二大臣往經畧之安置來貢使四十
餘人於廣西諸處阿黑麻大懼始以陝巴金印歸還西
域遂寧公之力也辛酉轉吏部尚書命下朝野胥慶進
少師兼太子太師明年史夫人卒上遣官諭祭為營葬
事甲子八月內早朝畢上入暖閣宿公面諭曰明年天
下諸司朝覲卿務用心訪查的實大彰黜陟之典復諭
曰聽得麼公對曰聖心留意求治如此宗社之福臣敢
不盡心以圖報稱仍命申官扶公下階及乙丑考察大
朝官員汰去不職者二千餘員無異議五月孝宗上
賓公哀慟甚至正德改元凡大典禮公復參預其間人
以為榮御用監王端以大婚禮欲用儒士七人篆刻番
字公方杜塞倖門堅執不從給事中安奎以為宜聽公
言不可墮其奸計則大臣垂首喪氣直道何由得伸非
國家之利端慚憤誣公抗拒賴諸大臣力為之辨其事
始白會兩廣缺都御史總制軍務被薦者不樂於外乃
嗾御史劾公公遂求去封章累上前後二十一疏人謂
公得大臣體陛辭蒙賜宴及璽書褒美仍給寶鏹為道
里費且令有司月給米五石歲撥輿隸八名以備瞻用
恩至渥也公歸足跡不至城府屏居三峯山董村之野
乃改號三峯居士匾其堂曰明農蓋取周公明農之義

也公立朝五十餘年以身殉國不避艱險屢躡屢起其
志不為少變在位時凡有大議衆莫敢決必待公而後
定其於無名之請非分之求則痛加裁抑畧不為動以
是權倖多不樂之既謝事逆瑾專橫有譖公者瑾竟以
他事誣公除名子琇亦調守禦鈞州無何瑾敗公復原
職琇亦復原衛公素善調攝生平少疾及退居林下每
聞時事有不可意或與祖宗之法戾輒憂形於色竟鬱
鬱不起臨終語不及他惟諄諄以忠孝戒勉其子孫云
公生宣德丙午八月二十七日享年八十有五辛未八
月十五日葬於州北大隗山之麓遷項史二夫人之柩
而耐焉公性介特寡言笑不尚華侈舉止嚴重修髯偉
貌望之知為異人居官重名節礪廉隅雖位極人臣名
聞夷夏退然若不敢自居至於值事變臨利害屹然如
山不可搖奪嘗監鄉試場者二讀殿試卷者六其所識
拔登臺輔為名卿者不可勝數遺際明時受知列聖豐
功偉烈照耀簡冊可為社稷臣矣議者謂公忠誠如汲
長孺勲名如郭汾陽相業則如韓稚圭范希文殆非過
也第剛大之氣山聳岳峙危言正色遇事即發無所顧
避或見人之狡險必面斥之不少假借以是敬之雖多
而嫉之者亦不少也卒賴天子聖明用之不疑故能以

提學副使李夢陽墓

功名全其始終好學讀書春秋雖高子不釋卷凡子史
及性理諸書皆能熟記為文倚理趣詩亦與重有約齋
集及奏議三事記若干卷行於世信乎其為一代之偉
人乃今不可得而見矣嗚呼悲哉文以晚進幸與公同
事者幾五年得公教益為獨多公之操存歷履與夫施
而備錄焉若夫政事之常則固在所畧云配項氏繼配
史氏俱累贈一品夫人子男四長璉六安州知州累進
階亞中大夫致仕次璫錦衣衛指揮僉事項出
次玠七品散官次瑛武舉錦衣衛指揮僉事項出
缺

縣北三十五里

錫章里

大陽山崔鈞撰志銘初夢陽妻

左宜人先亡葬此夢陽自撰志銘茲並錄如左

與陋嫠文之習慨然奮復古之志自唐而後無師焉已
汝南何景明友而應之崆峒子之雄厚仲默之逸健學
者尊為宗匠又咸激厲風節敢上直諫安於冗散鄙忽
驟貴崆峒子方雅簡默稍飭廉稜冲默恬淡温遜不露

才美云崆峒子諱夢陽字獻吉慶陽人徙大梁甫冠舉
弘治癸丑進士授戶部主事再遷至郎中才敏氣雄簿
書外日招集名流為文會酬倡講評遂成風致嘗監三
關招商用法嚴格勢人之求被構下獄尋得釋每抗疏
言出令不平宮府殊法一涉宦戚即泥不問不報乙丑
應詔陳二病三害六漸之弊末言皇親橫則外戚驕恣
之漸為掩義之害張侯不法狀悉實可按遂下獄眾為
遂令回話乃列張侯不法狀悉實可按遂下獄眾為
桌已僅奪俸三月上語尙書劉大夏曰朕欲真夢陽輕
典左右謂當廷杖渠忿則泄如朕殺諫臣何正德政元
入閣導上燕遊閣部臺諫協請誅之不克闕遂竄斥諸
臣已知部之奏實崆峒子贊成奪官降山西布政司經
歷致仕戊辰劉瑾必快前忿羅以他事械赴京人法皇
必死是時謹敬禮修撰康子康子謂瑾曰李生能理瑾
祖為文殺之既釋繫又欲用之選部崆峒子托以痼疾
乃賢崆峒子既釋繫又欲用之選部崆峒子托以痼疾
康子為力請得免辛未瑾誅起為江西副使提學救許
舉聞重事崆峒子振學蒞上外大有更白臺使及同官
者病其侵官崆峒子非其隳職各起訟當路素忌崆峒
子才名落職閑住要辭曰臨官不讓云爾聞者笑之曰

斯以虞之臣責過崆峒耶寧庶人方畜異圖威劫謀內
省臬受制知崆峒子不可撼陽下之及庶人叛滅有言
崆峒子亦疑於黨附者當路又將陷以法司寇見素公
不可止崆峒子以成化壬辰十二月七日生嘉靖乙丑
九月二十有九日卒享年五十八配左氏子一枝舉進
士由主事左官州同知側室宋子三楚梁柱女一枝四
子一夔二典三謨四維女一年月日葬大陽山左宜人
附崆峒子家世自有譜所著詩文集若干卷崆峒子八
篇銘

伊天闕之伊人嫉之專方者礙固正則危
隱約委蛇於河之湄大昌厥詞永式來思
左氏者李夢陽妻也左氏蓋廬陵人曰仁宏者生秦州
知州輔輔生宗人府儀賓蓋麟而儀賓婚廣武郡君成
化乙未十月己丑生左氏於汴邳郡君者鎮平恭靖王
孫王周定王第八子也左氏生十六年歸李氏李氏者
陝以西人也李子父曰奉直君奉直君為封丘溫和王
教授居汴而挈其子夢陽來初李子幼婚約成不之婚
也曰教授微而貧及約左氏儀賓則顧獨喜入白其母
并郡君氏母郡君乃亦成不之婚也曰夫非李教授兒

那微而貧儀賓曰李氏子才竟婚李氏是時李子生十
有九年矣明年為弘治辛亥左氏生子枝云踰年王子
李子舉陝西鄉試第一癸丑登進士第左氏從李子京
師會姑舅進喪李子西於是從而西戊午李子拜戶部
主事居京師左氏復從京師已徙通州己未孝宗皇帝
上聖慈仁壽太皇太后尊號封左氏安人給敕命王戌
李子權舟河西務明年李子餉軍西夏挈左氏還過汴
是時儀賓亡矣獨郡君而左氏翟冠翠翹揚帔曳裾見
焉其行于子也哲而頤填而流珠郡君喜已而泣顧謂
家人曰向謂李生微而貧乃今若此矣因道儀賓語云
云愈益泣而慟之丑李子進戶部員外郎會今皇帝上
丙寅為正德元年李子進郎中是年冬尙書洪洞韓公
率百官彈宦官劉瑾等瑾以彈劾出李于明年正月驀
述李子奪其官於是左氏從李子遷而潛大梁墟中己
巳左氏兒有婦矣庚午瑾誅明年李子起江西按察司
副使提學是年左氏有孫王由李子迎左氏於江西左
氏舟行行值樁舟破僅免入江過馬當帆脚打僮人落
江沒及湖口風逆困崖下洄渦中舟突崖石時時響於
是左氏怖欲死計繫之登石免甲戌李子以與江御史

構從理官於上饒而徙左氏星子會訛言賊過星子於
是左氏自徙於潯陽是年李子官復罷道潯陽就左氏
沂江入漢至於襄陽將居焉會秋積雨大水堤幾潰左
氏曰子不心大梁非患水邪夫襄陽奚殊矣且蘇門箕
穎之間可盡謂非丘壑地哉李子憮於此是季左氏歸
而左氏疾踰年骨立死死之日正德丙子五月丁未年
四十一矣翌日牲奠左氏烹牲賜自國織文理陰陽
狀若流蘇垂綏耳提襟在上李賜自國織文理陰陽
呼神哉於是賦結腸之篇李賜自國織文理陰陽
後知吾妻也人曰何也李子曰往予學人曰妻亡而予然
今事不問不舉矣留賓酒食稱賀至今不至矣即至弗
稱矣往予不見器處用之具今器棄擲弗收矣然又善
碎損往醴醢鹽豉弗乏也今不繼舊矣雞鴨羊豕時食
今食弗時養矣妻在內無嘻噓門予出夜弗屑也門今
局內嘻噓矣予往不識衣垢今不命之辭不辭矣縫剪
描刺妻不似手不襲巧成足師今無足師者矣然又假
手人往予有古今之懶難友言而言之妻今入而無與
言者故曰妻亡而予然後知吾妻也李氏買大陽之山
嘉靖某年月日葬左氏山下杉棺柏槨負坎抱離四山
三水是山也鈞州北三十里白東張南樞杷裏右嵩

前穎左連具茨李子曰嗚呼匪志曷張匪銘曷藏志防
虞銘永處矧吾妻矧又吾知吾妻於是志之而復銘之
而刻之石銘曰
坎而宮汝藏汝封亦既考終汝曰拂約而修伸妍而短
屈惟屈與伸出人匪人釋而思之我心如焚迺竟汝分
生雖汝分歿共汝墳萬祀千秋孰短孰修汝樂斯邱

尚書古朴墓

縣西五十里義讓里六甲范岡大學士楊士奇撰神道

碑銘 其文曰宣德三年二月十八日戶部尚書古公卒

營葬事既葬其子本奉禮部尚書蔚公所述事狀走北
京介少保夏公求書神道之碑余與古公同朝三十年
知其有廉靖之操諾而不辭公諱朴字文質號素軒古
氏世家河南陳州諱義甫娶王生諱安道娶程公之大
父母父母也以公貴公之大父父皆贈尚書大母母皆
贈夫人公洪武中舉鄉貢為太學生奉命清理郡縣田
賦圖籍丁父喪歸服闋隸五軍斷事司理刑遂家貧
願仕得祿養母人祖皇帝嘉之除工部營繕主事授承

事即題母就養京師居無幾母沒官給舟歸葬服闋政
兵部副馬部主事陞武選司員外郎授奉訓大夫再陞
郎中授奉議大夫戶部右侍郎授通議大夫賜文綺一襲上巡狩北
京侍仁宗皇帝監國嘗奉命權贈部兵部及詹事府洪
熙中政通政使是歲陞戶部尚書授資善大夫賜誥命
追贈二代遂謁告歸省墓賜鈔襲公事親孝非其義一
毫不苟取居官臨事蚤作夜思勞勤弗懈一志於公無
敢干以私者謹守祖宗成憲不肯踰越或言事久於時
小過不及者亦當損益就中終不為勤永樂中建北京
宮殿董伐木之役於江西有愛民之心竣事積被賜賚
戶部主事劉良素行不檢滿三載必考其績下良耶上
之左右人求最考公曰貪侈之人幸今未覺露不改行
終當敗最考不可得也良遂誣奏公他事既就逮繫太
宗皇帝燭其誣竟釋公他日吏部奏授良誥命封贈其
父母仁宗皇帝曰愷弟君子福祿攸降是嘗誣奏大臣
罪者其得為君子乎不與良卒以職敗衆服公之明公
所治職務退未嘗語其家人冰襲之操確乎不拔平素
不事生產凡雕琢之玩纖毫不畜公退清坐一室書冊
自娛嘗病士奇往問之入其齋室几案間獨有自警編

一帙可以觀其所存矣洪熙誥辭有端厚簡靜口行清
潔之褒蓋見於上者深矣卒之日無銖黍之積以遺子
孫子男三瑄璟皆先卒季本也女四賈瑩孔彰陳諫李
怡其婿也孫男六綸統縞絳純纁銘曰
古有恆言曰公生明何道而公其惟廉清廉之為行土
分內事曷世由之什靡一二士行弗貞理曷絲興嗟文
質甫為廉有誠厥廉如何冰壺玉映遠其屬縵室類懸
罄紛彼貴士夏屋渠渠嗟文質甫歸兮焉食其履湜湜
其心口口汗者之嫉清者之述相彼貪人潢潦之溢崇
朝而盈滴不待夕嗟文質甫嫩乎不緇永揚休聞其在

碑斯

知寧州事贈少傅劉綱墓

子贈吏部尚書柱國少傅孫大傅宇曾孫編修仁

附

縣西北鈞陽里八甲白沙鎮西二里

知縣劉敦墓

敦孫知縣堅 堅子教諭服休知縣服膺
服休子贈御史峩 峩子御史調羹

調羹子訓導延祐

縣北二十里錫章里五甲蔡寺鎮陳南太史耿介撰延

祐志銘 其文曰往余同學鍾先生爾知設教鈞臺每過

之已而得交其嗣君著佩已巳入拜著佩顧我山房持

乃翁所遺其祖廣文先生行狀來求余銘余以生平仰

止之切弗敢固辭謹按狀公原籍山西洪洞自明初始

祖遷禹郡北具茨山麓之東張里再傳生敦以明經為

鄉守令鄉宰之孫諱堅以弘治辛酉鄉薦為山東單縣

令郡守劉晴川先生理學名儒重其行為之誌墓是為

公之高祖堅生服休以明經為永清教諭是為公之曾

祖服休生我萬歷癸酉元仕至山西路安教授贈御

史崇祀鄉賢是為公之祖生三子其次為侍御公諱調

羹以天啟壬戌進士按福建有聲祀名宦鄉賢生訓導

公公生而岐嶷幼即端厚疑重成童滿博士弟子員下

惟攻苦足跡不出里門雖貴介於人世一切聲色玩好

泊然無所嗜蓋待御公居官廉潔不踰中人而公復

澹泊寧靜不愧先世清白家聲好冠屨於庠三入省闈

不得志於有司年既壯侍御公及母張太孺人先後捐

館公毀幾滅性一病累月幾不能任喪蓋純孝如此免

喪而值明季之亂歲辛巳寇氛愈熾公即棄家遠避河

朔既而匿影密邑山寨以訓蒙餬口念同胞一妹始終

提攜不忍舍而妹婚楊孝廉卒亦得售焉國朝定鼎加

恩郡邑凡廩於庠者以一二入成均公與焉廷試畢

得子員成避居他邑二仲之祭至無人供籩豆公招集

諸生相與論文課藝月有講旬有會朝脯之饌雖粗糲

必備既浹歲謀於縣尹譚公設法捐輸修理學舍輪奐

聿新已而有邑庠裁缺之命即束裝還里蔡邑向來科

第寥寥公去而沈亭劉君址者乃聯援魏利即公文會

中所首拔士也居三年再補鞏邑鞏雖密邇河洛變

之餘絃誦之聲久衰公亟為鼓舞振興士風蒸蒸不

至於修廊廡置祭器凡鳩工庀材皆捐俸獨為之不

諸生一錢不煩有司一紙也撫軍旌節臨羣以溫語

謂之府太守亦每降禮於公蓋公之盛德為人所愛重

如此會因病告歸鞏庠士鐫碑記公之學政僉憲雲根

范公為之序既歸而迴翔里居者二十餘載日與二三

姻戚故舊流連春花秋月其持躬涉世一遵侍御公

縣尹邊珪墓

訓一行不敢先人一言不敢踰衆即不隸僮僕孺稚亦未嘗疾言遽色公壯歲元配連孺人早逝不再娶旁無妾媵蕭然獨處一室五十年如一日人以為有元紫芝之風焉生平不為駢麗之辭所著集間編居家須知一者皆以修身齊家要務常稱述以訓後人凡郡大夫蒞高累名累以棹楔表閭三與飲賓公曰大典不可數邀其後諱延祐字受之享壽八十有七殆所謂克備五福者歟公康熙二十八年閏三月十八日娶連氏都御史標女孫官生得名女孝敬慈祥婦德母儀靡不克備稱女師焉前公五十年卒男二人長湛湖廣辰州府通判致仕次澄廩生孫三人玉威廩生雲威德業儒曾孫五人今卜以本年十一月初三日葬公於具茨山麓之祖塋元配連孺人耐焉爰系以銘曰
洪範五福惟攸好德公之先世挺生賢哲忠孝貽謀詩書餘澤公繩祖武加以培植持躬仁厚秉心淵塞教鐸所至有文有質新祭鞏洛是訓是式元善蘊蓄壽躋耄耋穎水淪漣具茨萃嶽子孫振振公其不歿

縣北紫金里一甲花園王村子鄉進士寧附州同知張

利撰志銘

贈御史馬安墓

縣北西章里五甲麻地川北

贈太僕卿連吉墓

縣東關泰山廟南子封君泮曾孫知州得意耐

右都御史連標墓

公初葬登封告成鎮乾隆十一年裔孫炳鏡等遷葬於

城東泰山廟南祖塋之次湯賓尹撰志銘

志文采入傳中

少卿連格墓

縣西文風里六甲曹溝李家門

贈員外連得祿墓

縣西十五里義讓里二甲晉村子知府憲文祔

知縣董敬墓

縣北錫章里二甲蘇岡北焦芳撰墓表

其文曰弘治庚申冬十二月既

望通渭縣致仕知縣董君以病終於家其子璣輩大懼不朽之託無所於歸遣其孫效仁走京師持其郡人致仕知州王君璋所為行狀借重於少傅兼太子太傅大司馬公之言猥以墓表見屬予辭弗獲乃序次而為之表按君諱敬字克恭其先開封尉氏人曾祖諱興洪武初徙於鈞州子產里因占籍焉祖諱士能父諱英正統丙辰郡民告饑輸粟一千五百石於官詔旌其門鄉黨以為榮皆隱德弗耀母連氏有淑德君生而岐嶷質厚性敏自幼不與羣兒戲稍長讀書游郡庠為文超越等夷居常晦默不自矜伐嚴謹自持無一毫放於規矩之

外十五歲治舉子業銳意決科久不利於場屋卒列成均成化庚寅擢陝西宜川縣丞士論惜之君曰莫非命也當順受之職無崇卑患所以立耳令或試以難事皆從容裁決鮮弗當巡撫余公聞其賢委署延川令政一如宜川愛民益篤民甚德之會虜寇久駐河套各路騷然轉輸邊備山路崎嶇民苦甚時馬公總制三邊深以為念謀諸藩臬咸以君勤能足勝任遂俾君專督修鑿君聞命即往自韓城直抵延川閱坦途八百餘里民咸以為便遂以馬公之請移署延川延川素號難治君處心公忠為政愷悌邑人懷之聲譽赫然馬公知君可屬以事下令諭曰西北邊城久築無功秋青草芻過限未完須子以往君承諭即自引道兼督工役刻日告成事聞賜綵二端白金有數世以為榮成化甲午虜復西侵通渭實要害之地於是巡撫巡按及藩臬諸公交章薦君上允其請鞏昌通渭縣尹君益勵乃操勤乃事凡公忠愷悌澤被民心者祝宜川有加首建城池高堅雄壯前此未有仍恐虜騎衝之復於各鄉增燧臺以謹侯望多置堡洞以防標掠提學伍公為文以紀其事且曰君宰百里惠加一路可謂仁人君子矣其他令行禁止吏畏民服

巡行阡陌推上德意喻民以利害之實躬親勸課暇日
延見學者諄諄教以孝弟忠信終日忘倦時督程而風
勵之父老傳頌至於感泣七載之間始終如一曰一旦
嘆曰仕貴適意耳吾何貧戀至此極乎古人謂功成身
退天之道也吾雖無功時可退矣遂懇求致仕邑人挽
留不可乃暨碑刻石以頌君德祖饒之日百姓如失慈
父母老穉相攜羅拜道周有泣涕攀輿不忍去者其得
民心雖古之循良不是過也既歸日與鄉之父老幅巾
藜杖徜徉容與於水光山色之間以終天年越二十載
弘治十五年十二月十四日遘疾覺弗瘳明日名諸子
若孫跪於寢下諭之曰吾生願死安無復遺憾第願汝
曹遷善改過以遠大自期無墜家聲可也言訖而逝君
生於永樂庚子七月十有二日享壽八十有一配趙氏
與君同壽有淑德生子三長璣次瑋三瑛俱義官瑋涿
鹿驛丞女三人長適通判劉浦之子憲次適里人吳鐸
季配士人李森孫男九人效仁國子生效義效禮效智
效文效忠效睿效行效賢俱郡庠生孫女七人皆許士
族將以次年七月初六日葬於州治北八里營新卜之
兆嗚呼豪傑之士何代無之第遭逢盛世得以展其材
力立功當時垂名後世者甚鮮而於功成名遂能知止
焉

有考
足不蹈危殆者尤鮮君雖位不甚顯才不盡試乃能
事立功以報君恩進以禮退以義優游於太平之世以
善始令終概諸俯仰殆無愧也因為壽諸石以詔鄉人
嗚呼君則已矣使予言不遂磨滅則百歲之下於此尚
焉

封君任昇墓

乾隆邵志曰州西順鎮里鎮峯里五甲

都御史黨以平墓

縣北八里錫章里四甲朱閣西墓在父玟之次

陝西按察使徐衍祚墓

縣西鎮峯里一甲十里鋪東南墓在父輔宸之次

副使魏尙綸尙書尙純墓

陵墓上

卷十三

陵墓上

四

縣西十里鎮峯里一甲瓦店墓在父宗之次

太僕寺少卿郭學書墓

縣東泰山廟南墓在父銓之次鈞州知州劉魁為銓表墓

贈工部侍郎李延墓

縣北二里錫章里一甲牛溝孫知縣蓋祔

陝西參議李文郁墓

縣北二里錫章里一甲牛溝

布政使陳東光墓

縣西北十二里鈞陽里一甲河莊北墓在父璣之次

陝西參政李乘雲墓

縣北二十里錫章里五甲蔡寺鎮北有神道殘碑

贈工部尚書李登雲墓

縣北錫章里一甲賈莊東北

山西參政李凌雲墓

乾隆邵志曰州北五里

封君尹相墓

縣北七里封禮部儀制司主事

封君董效賢墓

縣西北鈞陽里一甲董莊西北效賢任霸州吏日子贈

兵部右侍郎兼都察院右僉都御史總督陝西三邊世

彥祔

參議安九域墓

縣西南三十里萬相里六甲大呂墓在父贈監察御史
大法之次

潼川州知州李用賓墓

縣西鈞陽里八甲白沙鎮墓在父贈光祿寺署正謚之
次

知府郝守業墓

縣西三十里墓在父松之次

封參政陳信墓

縣東留侯洞北曾孫舉人篤睦并篤睦妻韓烈婦祔乾
隆十二年州判程澣重封

參政陳經濟墓

縣北十里墓在父詩之次

封布政使王納海墓

縣西鎮峯里一甲禁溝西呂坤撰墓表

其文曰禹川公
姓王氏名納海

字養直禹之君子也少讀書敏慧有志向十歲而孤一
兄未髻厥弟四人有在襁者母孀不與門外事百畝就
荒家計日索又數年公少成立乃奮然自怨痛曰童子
能母猶然菽水祿養吾弗能孝弟力田吾弗能耶乃生
待辭色母亦曲體事母忻忻如也起居飲食先其意不

饒衣食然食指日益一爨弗給乃析焉公籍其田宅器
用孳畜會父老於家謂兄弟曰產盡是矣惟所欲兄弟
辭公曰我長於生計無憂也分既公竟取其薄者舊且
敝者老瘠者座中嗟嘆久之公長子習古通商善居積
數年用已饒季信南惺惺不類凡兒試童子有聲里中
愛之公與善厚者約婚既成言矣有顯者欲妻以女啖
之利公謝曰兒無緣為貴人婿業委禽矣吾不冠婦人
冠能二吾言平顯者愧服萬歷戊子信甫舉於鄉明年
登進士第受崇德令歸省公公曰捷至吾甚喜已而甚
懼所貴顯揚名也苟貴達無敗名者仕人之善物也
爾慎之且日諸子姪為壽酒至泣下數行曰傷哉吾父
安得見今日四座愴然然信甫奉命以行三年奏最封
公如其官公服以拜命尋緩步之田間恬然如他日不
通詢有司有司謂亦弗為通有訟者持百金求直公不
納曰鄉曲有理公微時有法直不可買也且吾不以金
受雇子其行乎公微時有里胥某者蹊其田公詰之詈
公又弗謝公既貴乃牽羊請罪焉公笑而遣之竟弗報
突已饑有司不減賦督逋日嚴親族不能輸者公代之
輸乙未信甫陞戶部主事尋丁郭安人憂服闋補刑部
公喜報書曰吾每欲活人恨無藉兒司生殺可藉以活

人矣平恕二字汝謹持之明年覃恩封刑部主事又明
年信甫恤刑江北多所平反成公志也尋陞湖廣司員
外郎於是公年八十餘矣色笑如平生信甫以公故不
欲行公遲迴忽夜驚呼信甫曰兒行無念我我有奇兒
當有重負荷也信甫至京會妖書事起辭連楚人獄極
蔓引多無驗法司相顧不敢執信甫昌言曰法有以情
真矜未有以指誣坐者某某無罪員外郎當司不敢首
鼠獄竟弗成是月信甫陞郎中又五日知常州府過
家公喜曰是舉也口安置嶺表口之猶以二千石典
劇郡當事者不為薄矣兒勉旃信甫至常州以公戒諭
者治常常人喜丙午秋公病五日而卒是為七月十四
也距其生為正德辛巳九月二十一日壽八十七有六公
性樸直軒爽即口即心生不作皎厲事媒媒晦晦渾然
前輩丰骨哀哉斯人今亡矣夫公之先洪洞人有名善
者幼學於禹家焉承樂矣舉於鄉終平陽別駕平陽
人為立祠生淳淳生鑑鑑生琦琦生懷義為引禮官磊
落落豪邁善居問喜倡義存古任俠風娶許氏生公蓋口
德所從口口公娶於郭封孺人贈安人焦太史有誌不
具述子七人曰習古禮部儒士娶陳氏憲古娶劉氏師
古武生娶和氏繼娶朱氏酌古國子生娶楊氏繼娶汪

禹縣志 卷十三 陵墓志

氏述古即信甫娶朱氏封孺人贈安人繼袁氏封安人
繼董氏期古武生娶宋氏遠古武生娶帖氏繼宋氏孫
十三人曾孫九人玄孫二人強半衣冠女二人孫女七
人曾孫女四人俱婚名族詳載沈相國誌中倚歟盛哉
天福善人如公信不爽矣考公大夫高邑趙夢白也余
同年友也癸巳察廷臣淑慝分明黜斥不避親貴坐是
落職茲狀公者夢白也余以信公賢信甫亭亭萬仞白
眼脂草人頓愛余余忘年友之余二司寇時多齟齬人
人亦齟齬余也乃信甫在刑曹亦不能與時俯仰當不
平時勃勃動剛方之氣九死屹屹不少挫人謂悻直余
謂信甫不悻直騫諸久矣寧有官二十年始得常州哉
不知其父視其子余以是信公賢故表其行實用昭來
云代

參政陳所職墓

城東南二里潁川里一甲寨子村西墓在父蒞之次從
曾孫鳴皋附全軌為鳴皋誌銘 其文曰君諱鳴皋字蘭

崖朝山其別號也明初

自洪洞來遷禹晉祖蒞封戶部員外郎祖所樂諸生伯
祖所職萬歷丙辰進士歷官參政父某武生君文采翩
翩有大節好古尚義惟恐不及少讀書里塾出語輒驚
其師既長操筆數千言立就康熙壬子學使者史公逸
裘奇其文拔入太學生未幾念父母並篤老遂疾馳南
歸同舍生挽留不能止自此依依膝下左右就養者三
十年訖父母歿終不出執親喪摧哀盡禮屏斥佛事鄉
人或笑之不顧也修祖譜收合同姓袒免待以舉火立
業者甚眾伯祖母趙淑人參政公之妻也好學能文章
崇禎末李自成陷禹率其婦韓氏登樓自縊君之旁邑
搜得其遺詩刻之謂君尊祖敬宗表章節義有功先
世為多性嗜酒尤喜為詩歌與河內鍾爾知同里劉東
里楊道南馬子陶趙友春劉蒼佩六老人晨夕過從倡
和無虛日詩既成更大呼稱善痛飲達旦以為常由是
諸雜沓禮俗率偃蹇不肯赴然遇事關名教者則應時
立往未嘗或以酩酊廢城南忠烈祠祀禹陷時罵賊死
節副使李公歲久圯壞君偕眾力復其舊壽州人有夫
婦將其女至禹東之富郵女故已許字人聞父母欲他
遣遂自經死君走訪其姓名不可得久之書其事於石
嘗兩周孀婦之不嫁者數年已而其節皆不終君初不

自悔而變其所為也君既慷慨好施與以故久而家漸
貧禹西南近大山里人競鑿山數百尺出石炭以射利
君窘於生理姑就而學焉殊不諳其術顧更闢怪石治
洞數區日飲酒讀書其中寒風積雪下簾塞向仰天而
歌聲振林谷於是費錢不下數百緡石炭利終無所獲
而詩益進君笑謂子弟曰有是哉吾之拙於生而工於
文也復何憾乎哉今甲申之七月年方五十八遽病不
起悲夫桑梓之人物零落盡矣配某氏子四人果增廣
生榮太學生果卓女四孫男四章民章文章善某是年
十一月之二日祔葬君祖塋之次君姻友韓君孟宣以
果狀來請銘銘曰
嗚呼余之不見君也踰十年而每見未嘗不問君之所
為於孟宣何孟宣今之來也而一旦聞君之忽然嗚
呼已矣蓋悲古學之日減而絲毫曾不得以少延

參政董九貢墓

子進士董學益祔

縣北錫章里三甲山連村南墓在父封郎中惟漢之次
尚書王鐸撰誌銘 其文曰公諱九貢字君需其先尉氏
人自始祖與徙禹興生能士能士生

英正統三年禹人饑英輸粟一千五十石英宗褒焉英
生振振生玟玟生效錫效錫生惟漢即公父也生子四
公為仲登萬歷己卯賢書乙未進士選戶部雲南司主
事己亥陞本部貴州司員外辛丑陞本司郎中甲辰丁
內艱服闋仍其官庚戌陞山西參政兼僉事壬子冬以
足疾歸及崇禎二年四月初七日終春秋七十有二三
年庚午八月二十五日合葬於郡北黃龍泉之新阡公
性謹朴貳缶但但無弁輒之為雖勁直亦不激刻自
用事期濟於物即俸糈分卹不以有吝初攜文捷偈為
孝廉游南雍江南名流爭相交宜人委事孀母以故公
得沈辭釋褐領部事新泰海運二倉也往年猶者相敦
截竹節引厥糧沒也以數百斛公立袖牌鈴之疏滯徵
負蓄羨粟踰數千石不染鼎焉大司農趙公以最奏迨
清源之役公為分解分納法而攬納無所便矣甲乙那
補窟穴姦令屢有波及累碼幾中人產非力充其詭能
合之心降從乎復間扣省恥以房水小麥等下賜與錄
蓄升斗之潤樹字石於門之根神宗時璫摠稅使則
源之薄也公不隨其肆閱數年以正郎司門於崇文
賈稅孔歲額八萬為常請托凶焰不可通矣於是
上官以才之不映辭弗許及期報羨金百而參藩於

也公益宣力於治兵國家數患虜青羊部種師曲而害
公益簡卒肅壁軍三千一百餘留半控邊以五百春秋
充雁平苛嵐寧武役虜不敢犯邊獄多所矚睽禁宗
室之跡弛者不稍避一時方推重公而以足疾請去畧
耽遂之色儻昔人所謂制義庶孚以行之者乎其旋而
老於書朋酒琴詠其撰也饒為鄉人馳義是以蒞官人
無尤處權豎無小子之係沒而人泪之久猶孿如也則
其不惶于井列又足多矣公父贈如其官母為太宜人
先娶宜人隱者王希先女繼楊宜人處士楊嘉言女庶
室李氏共公無遂若於姑姻公潔之勤也丈夫子五學
稷廩生王宜人出學契座生李氏出學益天啟辛酉第
一名壬戌進士觀政卒於燕余同年也楊宜人出學夔
儒士李氏出學陶太學生楊宜人出女三人時孫四祚
昌祚宏俱庠生學稷出祚大庠生學契出祚久庠生學
陶出孫女八云云銘曰
胡為乎可以三壽而不單胡為乎可以儋重而磬澤有
彌瀾無龍政斷龍也予光未填雲也膚寸菴壤
瑀琢其躬墜天大卑後而胡為乎寤辟於封醬

參政王則古墓

縣西鎮峯里三甲谷水河墓在父贈員外納忠之次

布政使王述古墓

縣西義讓里四甲汪樓西北

知府尹重亮墓

縣北錫章里四甲卧龍岡八里莊

通判王尙才墓

縣西五里

參議徐永墓

永為鈞州知州徐明善之孫明善歿葬於此永遂著籍
墓舊在城東鎮定里三甲褚河鋪西雍正十三年因六

水崩岸改葬於東百步樹碑表墓去河較遠
侍郎任洛墓

縣西南文風里二甲太平庵北嘉慶時墓志見於墓側
贈太僕寺少卿余爵墓

縣西鎮峯里一甲瓦店爵監軍御難葬衣冠於此配張
氏子正華附

知縣席良貴墓

縣北二十里

通判程一才墓

縣北一里

通判張任重墓

乾隆邵志曰州西郭外

通判趙崇德墓

縣北十里錫章里六甲詹莊

主事馬懋墓

乾隆邵志曰州東一里王惟儉撰志銘

志文采入傳中

知縣苗時望墓

縣東南潁川里一甲塔灣西

知縣陳洪猷墓

縣西四十五里鎮峯里七甲翟山北陳岡

知府張璠墓

乾隆邵志曰州西南大儒鄉之原

給事中李緯墓

縣南禮林里四甲黃榆店東北任洛撰墓碑

太尉墓

縣西六十里鎮峯里九甲方山

將軍王隆墓

縣北錫章里四甲朱閣村南

清知縣楊蕙墓

乾隆邵志曰董村

知縣趙經墓

乾隆邵志曰康城

知縣趙士毅墓

乾隆邵志曰州北荆山之原州人劉玉成撰墓表

知縣趙來鳴墓

縣西南文風里二甲太平庵西北

知縣田禹稼墓

縣西鎮峯里七甲崔山北陳岡

封文林郎田見龍墓

縣西鎮峯里七甲崔山北陳岡

副將李樹墓

縣南禮臨里四甲彭莊墓在祖龕父安國之次

司訓李祖庚墓

乾隆邵志云州北十五里

鍾國士墓

縣東南潁川里一甲韓樓孫用正撰墓表

葉魯白墓

縣東訾仙塚左學正吉祥撰墓表

通判劉湛墓

子玉威補

縣北二十里錫章里五甲孫莊冉覲祖撰志銘

其文曰
歲在庚辰

午予居嵩陽書院劉子玉威造焉持其父別駕公狀乞誌銘於予予以別駕公素所嚮往不能自緘也昔蔡仲郎為郭有道碑自謂無愧予不及仲郎而別駕公足匹休有道因為之誌且銘焉公諱湛字東里別號黍山明初自洪洞遷禹三世始大明經令鄉寧者曰敦敦之孫曰堅孝廉為單令堅生服休明經永清教諭服休生義貢元潞安教授我生調羹進士令豐縣擢御史調羹生延祐公父也明經新蔡鞏二邑訓導數舉鄉飲大賓蓋公之先已六世傳宦譜矣公生有異質從祖官所珍愛之期為大器十五入庠文譽日起值寇亂避地河朔往來溫孟間而居密為多時平歸舊業次第規恢置別墅理殘書研精經史肆力詩古文詞文宗左邱子長詩宗少陵間出入他家非所好也集族子教之轉徙他方者招之使歸為營其居食婚葬無不周辛卯貢成均考授別駕不及選歸而侍訓導公恪盡子職餘日則登山臨水以詩酒暢其懷時沈文恪公分司駐節於禹修河南通志名流雲集公秉筆其中衆推服焉既而奉部檄表回至再體訓導公意乃北上選湖南辰州別駕瀕行與家人約曰吾期年必歸也抵任太守他出司馬缺人獨理府事諸務倥偬為之平獄訟却餽贖延士流鼓兵衆

辰境遂以帖然部院以公才移檄攝沅州篆重岡復嶺
行烈日中至沅而疾作具狀請歸辰旋復致仕還里曰
吾以踐吾期年約也蓋公本無宦情此行特以慰親心
且藉以續累世宦牒爾歸而備極天倫之樂啟家塾課
子姪不問戶外事及訓導公捐館舍哀毀骨立終喪葷
酒不入口人稱其孝晚猶嗜學考索精嚴四方奉爲文
獻凡郡中大典禮諮而後行遇公事發言盈庭必得公
一語爲折衷舉鄉飲大賓與訓導公後先相望人皆榮
之構小齋坐卧其中栽花蒔竹日課僮僕澆灌重九盆
梅盛開公以爲異賦五言詩紀之無何公逝矣公生於
天啟元年五月二十九日卒於康熙三十七年十月初
二日享壽七十有八鄉謚曰介和先生配安人李氏湖
廣參政文郁女孫文學元馨女有壺德明季遭亂時投
井覓死寇退家人救免公敬之公之任獨安人奉訓導
公甘旨先公五年卒壽七十有四子一人卽玉威郡庠
廩生孫男二人長星臨次岳臨俱業儒曾孫男四人世
象世符星臨出世笏世毅岳臨出今玉威以次年九月
廿四日葬公窟陀村先塋南白鹿泉之左移元配李安
人柩合葬焉銘曰
晉土肇基鈞臺是遷六世宦澤輝映後先公也傑出鳳

羽翩翩筆鋒徹札文思湧泉承恩通籍捧檄赴銓爰倅
辰陽沅州攝焉惠政雖施興實蕭然不竟厥用拂衣歸
田孝友純備視履其旋齒高德邵輿論曰賢太守造廬
進之賓筵雍容揖遜終禮無愆高齋雅潔以食以眠詩
花盈圃陶菊周蓮發口爲咏纂言成編後進矜式執經
比肩存順沒寧受全歸全依於舊壟闢茲新阡載德貞
石大書深鐫中郎
無愧我銘斯傳

知縣余靖墓

縣南萬柏里十甲余樓李永昌撰誌銘

建昌府知府前禹州知州李朝柱墓

縣西南梁北余靖撰墓表子孫遂家焉

總鎮桂奇墓

乾隆邵志曰州北五里

遊擊陳化鵬墓

縣西義讓里一甲郭樓

都司任化鳳墓

縣西義讓里一甲郭樓

趙御衆墓

縣西南三峯山陰御衆字寬夫號超化老人孫奇逢高

弟寓禹卒外曾孫馬季吳葬之

知縣王聿修墓

縣東鎮定里四甲唐莊西南

封知縣余詔墓

乾隆邵志曰州西二里

贈修職佐郎余丙捷墓

縣東五里舖王聿修撰墓表

其文曰古人墓而不墳不封不樹無所謂表也春秋

時孔子表殷比干墓題曰殷比干墓口吳季札墓題曰延陵季子之墓無所謂文也自唐宋來士大夫始重墓誌洎墓表而並潤以文蓋由人子不忍歿其親欲親得因此以沒而不沒耳吾鄉文學余公諱丙捷字南宮別號良庵系吳越王錢氏避讐更名世居江右高安明季始遷許郡者曰賢公之開基祖也賢生楨及諸遷禹楨仍居許生守分生躍淵生煥煥生六子其三日冲海字太極即公父也移居於出公因入禹序食據德四舉優行兩薦棘闈以時繼不售遂留心著述研窮道分乙丑州守邵公大業纂禹志愚與公七人同列為分纂人物公先輯禹志續編多蒙收錄所著學宮志功績課餘談已錄梓行世咸于午督學徐公光文節為有化雖壽僅五十有五而名垂竹策舉耀詩聯可謂效而不

歿矣孺人許郡杜公作舟之女有賢孝德慈祥明哲相
夫成名曷子勤學壽登八十有七文人碩士贈詩歌累
百餘篇亦可謂歿而不歿矣子三人珩庠生珪以明經
貢澤宮昌楣亦庠生孫男四元英業儒星源星聯皆庠
生星景方業儒女四人適人有聲季更能以節著嗚呼
余氏自明季遷禹毅烈忠孝代有其人而至公清苦力
學以著述顯三子各有書而次子尤殫心名教闡揚古
蹟後鐸林邑恭逢嘉慶元年廣沛恩綸贈公暨孺人皆
如例龍章寵錫勒碑嗟峨非更爲歿而不
歿哉愚故據其行述誌傳爲文以表之

訓導余珪墓

縣東五里舖禹州知州崇士錦撰志銘 其文曰乾隆丁
未余膺簡命守

禹明經潤亭余公品端學粹淵源有自以差務旁午未
遑造廬泊以公會得親言貌心益重之後公鐸林數載
卒於官嗣子星源奉柩旋里卜葬城東先塋之次而因
學師楊郭以狀請銘予維余氏爲郡望族忠孝節義代
有其人而公以實踐之學發爲實用誠有爲學術世道
所攸關者謹按狀次之公諱珪字韞石號潤亭林邑門

人諡曰清恪先生系出吳越錢氏始祖諱賢自江右高
友遷許有義行載許志四傳至公祖諱冲海遷禹躬農
桑好讀書生公父良庵公諱丙捷廩膳生贈修職佐郎
清苦力學詳登府志儒行著學宮輯畧館課餘談督學
徐杏池先生稱爲有功後學頌存通省學署母杜孺人
勤忍和讓相夫教子一時文士贈賢孝壽言百數十篇
兄珩庠生著間得錄弟昌楣庠生著綱目統論公幼沈
靜不樂嬉戲入塾益端謹雖盛暑亦未嘗露體年十七
冠童子試二十請行冠禮良庵公喜與行之入庠後屢
舉優行已卯辛卯鄉試薦不售公素承庭訓留心儒術
作防心要言自箴居恆昆弟交相師友體論先聖賢儒
道理朔望必拜先師講小學率弟子習禮嗣秉林鐸爲
諸生宣講聖諭及歷代鄉約務示以聖賢階梯至若考
祀典表名節徵求古蹟皇皇如弗及六旬後每元巨舉
一歲言行焚香告天有耆年日記稀年約意二則自程
朱表章絕學前千餘年聖賢相傳之道燦然大明雖有
異說不能亂也有明講學者出佛老之似亂周孔之真
眩淆鼓簧今猶有感其說者公每觀其書輒心憂之於
是作學鑑二十六卷精心集十四卷羽翼正學爲後世
法其書分門別類徵引宏博所以示學者向背之途至

詳且悉其他著述有林署攷典釋訓鄉約纂言讀志隨筆笙詩備覽柱心齋古文詩抄皆有關世教學者彙而讀之足以見公用力於斯者勤志之所期者遠矣公生於雍正甲辰七月二十五日亥時於嘉慶己未十一月初七日酉時終命壽七十六歲葬以庚申仲秋望日戊辰郡人與良庵公並祀於鄉配劉孺人監生諱璋女克職婦道男一星源庠生娶賈氏監生可立女女二一適任超一適監生王殿遴孫男一家芳業儒娶陳氏孫女二曾孫男三本直本正本中女三銘曰

贈文林郎余六韜墓

縣南余樓侯熒光撰志銘

訓導余六師墓

縣南余樓

知縣孫廣生墓

縣西關聶政臺西

教諭孫裕遠墓

同前

教諭孫寅柄墓

同前

知縣王簡墓

縣北二十五里錫章里五甲喬龍山陽

傅友仁墓

縣西北鈞陽里一甲董莊西

教諭馬時芳墓

縣西北六里沙陀李村陳栗撰誌銘

其文曰道光十七年十二月十二日

鞏縣教諭馬公卒於鞏之學署門人劉瑞律等治衣衾棺木張鶴年等七十人購埋骨之費鞏之人士及門弟子皆塗咨巷嗟成謂公繫鞏人文之重不宜遽至於斯也逾年正月二十四日諸孤直等將以公之喪歸焉鞏之人士皆哭送去城十數里而後返弟子張鶴年等送而後返孤子墓將以本年四月二十日葬公於祖塋先期徒步百里叩門泣請為誌銘栗自維學疎識淺不足以傳公之真顧念交公深且久不容以回辭公諱時芳字誠之號平泉又號淡翁開封禹州人世居禹之官司園自明太師端肅公以勲德名世嗣後簪纓不絕八傳至公會祖諱燿封徵仕郎曾祖妣劉繼趙皆封孺人祖諱季矣封徵仕郎祖妣劉封孺人父諱興洪以拔貢生選江西直隸州州判妣郭封孺人公生而英偉不凡入

歲時弟時薰以飯不潔賜僮僕食公即呵止之曰爾以為不潔彼以為潔耶何不恕乃爾又得省游王先詩為師先生嚴甚其母曰吾子有望矣公年十五即以詩名於世聽省存先生講學因撰求心錄綿歷五紀文逾十萬反躬切己艱苦磨勵甫弱冠於苑陵得夏峯所輯理學宗傳潛心默玩奉如師保即卓然自命為古人敦踐履慎取舍博覽經史為有用之學二十一歲補博士弟子員明年癸卯中副車屢困棘闈迨嘉慶甲戌謁選補封邱教諭年已五十四歲矣公天性凝重危坐終日無倦容所居當足處蹟深寸許至是以所學訓諸生首分辨義利畧脯脩勤勸課士習翕然興起學職之替也嘗趨奉府縣吏冀檄牒判事因緣苞苴擅機自肥守令因役使之以行其意公獨修潔自愛飲射讀法外無私謁令或牒事即卻不受曰吾知訓士而已有兄弟不和懷白金百兩與公求直於令者公艷然曰此豈可污我哉昔人云至難得者兄弟是皆吾教化不明當罰吾未幾以母憂去職道光八年補鞏縣教諭所以教士者無異於封邱公年六十有七志未嘗不立而行不敢苟其著書辨白聖賢志行多昔人所未發其尤偉者取點妄之書援引偏訛者校正之流俗下士駭歎詆謔不知皆

公躬行實踐之餘又考之朱陸二子之書而確有可據者也郡邑吏市減價民值之半日官價公一切從民或以為矯公曰設官以為民也而使民多官吾甚鄙之且官即貧不貧於負販吾見劫者矣加刃於頸主人獻金勢在故也以勢行與劫何異小民合掌頌之曰天心天禮恭照照若易與也義所不可即萬夫莫回介節自持無世俗猥瑣態嘗自恨曰吾濟世指為笑柄獨奈何復蹈之輩士有十人來學公作十人來學記一時風動來學者正未有艾乃天不憖遺遽捐賓客豈不惜哉公平生孝友忠信胸臆光明磊落有不可一世之概為善如不及敬愛賢士矚貴勢蔑如也嘗語學者曰吾輩當為第一等人俗儒溺詞章希富貴不自計樹立若何此鄙陋之至無足與論即讀書只作口頭講說以才華自矜不務躬行皆可恥也公生於乾隆壬午六月初八日子時卒於道光十七年十二月十二日辰時年七十有六配王氏江西新安知縣諱辛女繼李氏例授奉直大夫諱宗華女王氏諱應聘女側室饒氏子男二人稟配張氏曉配劉氏俱饒氏出曉出繼時薰女二長適登封封戊辰進士奉天府錦州知州傅鍾璩王氏出次適新鄭業

儒劉英烈饒氏出孫男一阿遲幼孫女二俱未字注傳信錄著垂香樓詩稿挑燈詩話行於世風燭學鈔馬氏心書樸麗子諸書並藏於家爰為之銘銘曰人惜公豐於學齋於遇何為晚運方通而遽遭此閔凶余羨公樂乎天安乎人命義是守不為窮銘君之行痊幽宮木夔遠遁兮山魃潛蹤更何物兮敢青天白日之下而過公馬鬣之封

知縣侯熒光墓

縣東北紫金里一甲燕井北岡

知縣曹紹曾墓

縣北錫章里四甲王府樓

知縣張肆三墓

縣南萬柏里五甲萬里馬村

知州方瑞蘭墓

縣西義讓里七甲方岡西北

知縣樊海瀾墓

縣西北錫章里六甲犢水溝王琴林撰志銘

其文曰先生樊氏諱

海瀾字子安禹縣人兄弟四人先生長也天挺奇稟視
明聽聰強記善悟身量隱人而睟面盜背莊雅可念為
人為文俱有繩墨學窺百家合之人情六通四辟不流
不腐為汝穎間百餘年來大師數奇年四十八成清光
緒二十九年進士以知縣歸直隸候補時民國首大總
統袁公為總督深器之遞署延慶博野萬全補遷安縣
知縣民國又任命行唐調署磁縣知事即病歿於磁積
勞久也先生所在民盡懷之每去任即請留不得則皆
傾士女觀送祖道絡繹極之於境先生曰吾不堪也與
盡則悲矣比遷磁四鄰皆患盜惟磁獨安或幸其言之
不中而竟中矣其治行愷悌不恃武健徇當時譽文書
必親裁聽訟從容恣兩造各盡其辭自以無厚人有間

一折即伏少準速結民免期累以州縣官親民故安之
終身有諷之者曰吾命則然也所遭大府同列皆下之
然有口惠貌恭耳終不避賢而讓路矣初先生二十四
歲以廩生肄業大梁書院甄別名第一主講倉少坪先
生景恬一見許以國器英年俊表騰實蜚聲院中生一
時稱盛皆推轂焉聽先生談掌故爛熟羣戲呼之曰活
縉紳後多與先生同為光緒乙酉拔貢今之達官名宿
類其選也先生中歲教於家從遊者多成名以去琴林
幼夢學得及先生門始聞轍塗比壯入世多乘善窮先
生遺書識之且曰吾竊取東坡論書語端莊雜流麗剛
健合婀娜陰以自狀子視吾得有似否琴林則深信之
媿之及先生仕猶數往造自宣統三年一歸別去遂不
復見為大憾也先生卒於民國六年陰曆十一月二十六
日壽六十二歲曾祖諱得臣妣王太君祖諱善妣郝太
君父諱文恭妣田宜人娶王夫人生子四
繼孟夫人無出繼胡夫人生子三
女三孫三

於禹西北犢水溝郵舊居西偏先望之次下夫人祖以
琴林知先生者敢效銘銘曰
抱穎負嵩靈炳儒宗廿年悅道坐我春風百思一塵是

亦為政惟吏之治惟民之命凡今之世並驚入荒燻生
新進騰達榮昌先生曰吁從否所好惠人流聲悲歌燕
趙傳於世者泰山一毫末為獻玉乃遇剖瓢分定有性
不加不損人曰宦成我曰仕隱天胡不弔喪我知恩生
離七載死別于春民今方殆吾
將安仰泐銘詠來傷心思往

廩生杜希春墓

縣東南十五里潁川里三甲王莊西王琴林撰誌銘其

曰宣統三年歲在辛亥正月八日杜子少臺先生逝世
秀哭於校樸弔於野親者為其私痛疏者為其公悲其
友同里王琴林志其墓曰少臺字也名曰希春禹州廩
生豫南名下其先世本農家而自以士奮其夙慧根天
定而復以學成其於麤膚之論炫夸之教終迂且拙雖
學不工人皆馳逐彼獨畏道其於不可爬梳之緒不可
推見之隱既精亦銳所刻斯深千古沉夢一朝豁醒其
名理絡繹雄辯縱橫析人之疑如的以破排人之難無
枯不摧其嘗治衿術一索得深而月之芳疇人斯佩其
嘗治聲韻善因天籟華嚴巖巖丁心通耳順其嘗治瀛竹

今古備能必創新律以復古意雜撰劇書寓意拯俗其
嘗治陰陽壬遁等流有故有物人笑其誕彼取其奧人
薄其小彼推其大其年未弱冠補弟子員而應試筆慙
甘老一衿其善製官牘大驚俗吏而足音自珍公堂空
谷其文體不後齊梁其書法一宗羲獻其風流如見魏
晉其直道猶存三代其曠達多不羈於俗而自規於古
其瑰琦鮮能耦其奇故遂異其獨其有樂也不擇地而
歌其有憂也不移時而哭其才之豐而命之嗇其學者
博而名者少其死者亦常五十二歲原可不恨其人乃
非常一世不再斯大可恨也初少臺懷采自匿而吾以
窮東孤邨不相聞問光緒丙申之歲猝遇於鄭州場屋
風簷之下立談定交嗣以舌筆生涯館居相鄰過從益
親論見益廣時復與樊子蓬仙方子俊陳子肇卿艾
子綬青輩胥相追逐謹呼風雨名山不可一世年少氣
盛興高采烈不知離合何問生涯地角夢存形影斷音
黨二三子亦或馬迹車塵天涯地角連榻促膝慰獨證
書幸少臺所執公務適與吾合因益連榻促膝慰獨證
同窮年月日以爲人世之至愛也方其得意萬物莫
易亦默念人事不測此樂難常每有一時千載之惜令
果然矣當吾二人初交時舉國清議正生自其中華禮

化夙恥尊外明效大果實得其敗而憤時嫉俗之子遂
得陷隙乘乏鼓吹功利士氣不逞國風斯變曾不十年
故物盪盡惟吾與少臺亦曾妄為救時之說測微之論
始則立於風氣之先後則遁於風氣之外看人浮沉視
天醉夢相戒無復敢知時事偶有棖觸則作新亭對泣
狀吾最平生蕭瑟每秋風起搖落不堪而少臺更汲汲
向老心血嘔盡憂能傷人不復永年未死前數日顧余
太息曰吾衆處則為塵俗蹂躪死獨處則為羣書溺死死
無逃矣何期苦語竟作訣讖已矣少臺子所謂以傳爨
之悲兼袁安之念者其死宜也然吾隱察世變堅信其
得及今而死非不幸也會祖某母某氏祖某母某氏父
某母某氏妻李氏以賢聞子蔭周世其家抱孫一小字
某方稚也越沒後月有四日葬於某原先塋之次為瀑
其概以沈諸中必有英靈以發光怪餘憤未吐將詩為
銘銘曰
自始傾蓋歲維丙申豈曰他慕相賞以真越幾廿載無
百日離風流跌宕酣暢淋漓一語之合我夸君狂不顧
人笑眉舞趾揚一字之爭君嘲我罵如鵠持蚌相上不
下以我信我未若君深早化形骸併一腹心會不生離
而忍死別曷其有憤一瞑長絕以君才德而世莫求雍

容華貴以冠沐猴青天非向白日忽沈豺狼在邑魑魅
喜人凡今之人以薄其古凡今之世以樂其苦為此死
隱聰蔽明掩痛於魯連蹈海猶淺彌天一棺以埋深恨
蚩蚩不悟寧丁末運以君之韻朗月清風死生之數素
了深通謂君方死而君方生我自不達百感交縈別未
面訣病未問藥死未視殮六州鑄錯命也廢道天之喪
文精靈鬱鬱聞乎不聞君已得所
我固不如將詩和淚敬奠黃壚

封建威將軍萬年清墓

縣東鎮定里八甲夏莊

何文貞桂珍墓

縣北鈞陽里一甲田莊西

戶部員外郎宋淑信墓

縣東南潁川里七甲宋莊

訓導田春榮墓

縣西北鈞陽里一甲沙陀李邨北桑樹坪

知縣王樹珊墓

縣西鎮峯里八甲黃莊南岡

縣知事田紹文墓

縣西北三里劉亮村東

沈孝子有才墓

縣東五里有明神宗年碑

韓孝子尙禮墓

縣西郭外聶政墓南有碑

熊孝子士宏墓

縣南萬柏里九甲虎頭山東麓

烈婦燕氏墓

縣東關崔莊後有孫九同題碑

周烈女墓

縣西北九龍口

張烈女墓

縣西南文風里三峯山之原學正孫用正撰墓表

其文曰烈

女張氏世居禹州西之董郵農民張集義之長女也生而端方貞靜八歲時許字同里賈麟之四子武年及笄武忽以疫死女聞訃終日不食其母數以言相勸慰輒俯首不答家人謹防之一日忽隨母操作于外給母曰

寒甚將取火歸而遂自縊於內室時辛丑十一月初九日也去其夫死僅五日州人士聞而嘉歎之請予約同僚表厥宅里且爲文以鑄諸墓門復繫以銘銘曰卓哉烈女許人以身如彼志士取義成仁三峯之麓浩氣常在奠此高墳千秋百代

王烈女墓

縣西鎮峯里八甲王村東州人劉玉威撰墓表

封文林郎國子監生王永照墓

縣西南三十五里義讓里八甲栗子溝曹廣權撰墓表

其文曰

